


MIBUZYO A BWIINGUZI

BWA BAHEBRAYO CIBEELA II

 Ndi yanda kulumba lutaanzi kuli umwi aumwi waka tambula mulumbe wa “kukombela mukaintu.” Waa kali cisidwe, kapati kapati. Tii twa kazi mbo kwakabede, a kuta ziba eco cakacitika, kwakali kuluka buyo kubyaabi alimwi waa kali wizukide mubwini, a ntuntumaanzi yakali kutandila mwaanda a osanwe, kacita ku mvunga mu ngubo zya caanda. Aboobo . . . pele uli kabotu lino. I ntuntumaanzi yakamana yoonse, nkabela uli kabotu. Aboobo uli kompeme kapati, kasweekelwa mapaundi ali kkumi, Nda yeeyela. Ta ka . . . Sunumasiku waa mena kulya kwakwe kutaanzi kuzwa Munsondo. Elyo aboobo waa kali cisidwe kapati, alimwi twa kasyoma Mwami kuli nguwe, alimwi Wa ka muzwidilizya ncobeni. Lino tu yanda kumwaambila kuzumanana kukomba kutegwa ajane nguzu zyakwe kujoka.

³⁰⁴ Elyo lino, aya mamanino amvwiki aboola, na Mwami wayanda, Nde elede kuya ku Miami. Mweenzuma wakaindi, Mukwesu Bosworth, uya ku Munzi, alimwi utandila myaka ili myaanda lino yakukomena. Elyo wa kandi tumina, wa kati, “Mukwesu Branham, boola uzondibone lomwe buyo, Ndi yanda ku kwaambila cintucimwi Nce tana unka.” Elyo wa . . . Ee, Ndi yeeya kuti uyanda uyondi kombela, a kubikka buyo maanza akwe ali ndime kataninga inka, nywebo mulizi.

³⁰⁵ Elyo Ndi—Ndi syoma kuti Nda konzya kugozya mazuba angu a mpuwo mbuli F.F. Bosworth. Ku baalumi boonse Mbe zyi mu inyika, mwaalumi aumwi Ngwe kasola kuswaana mu inyika, Nsena swaana mwaalumi oyo Ngwe kayandisya kuba mbuli nguwe, mbuli F.F. Bosworth; mbuli—mbuli mukutausi, eco Nce wamba. Nsena mvwide muntu omwe, inyika mbiizulwa, kuli konse, kasola kwaamba kaambo kujatikizya F.F. Bosworth pele zintuzyonse zyali luleme ncobeni, “Munakristo,” a zintuzyonse “mukwesu wini.”

³⁰⁶ “Kwandaana kula kusiila ndyato lya mauulu aa misenga ya ciindi.” Walo mukwesu mubotuloko, alimwi wa cempaala kapati, kutandila mwaanda. Aboobo walo—walo uya ku Muunzi, kwa mana, alimwi wa kandaambila. Wa kalizyi kuti wa kali kuunka, elyo wakali kulindila buyo. Wa kaamba kuti ciindi cibotu maningi ca buumi bwakwe ndyoonya lino cindi nakali kulindila, pele wakati wa kalizi kuti wakali kuyo unka.

³⁰⁷ Nda kati, “Ndi yeeyela kuya ku Michigan mvwiki ino, Mukwesu Bosworth.”

308 Elyo wa kati, “Ee, uta toli ciindi cilamfu, Mukwesu Branham, Nse konzyi kukkala kwa ciindi cilamfu. Ndiya bukompama ciindi coonse.”

309 Aboobo wa kali mweenzuma loko kuli ndime, kutali kuselemuka. Lino, ikuti na Nde elede kuulukila kunselelo, Njo—Njo uluka kujoka alimwi ndiza kujokela nkuceya kwa busiku bwa Munsondo; ikuti na pe, ee, mpawo Njo yandika kweenzya, alimwi inga kwandi tolela kaindi kalamfu aniini.

310 Elyo amu mukombele Mukwesu Bosworth. Amu kombe buyo kuti Leza . . . alimwi cindi Atola basikale bakaindi, kuti Uya kutuma nkalaki ya mulilo aku mubweza, mwabona. Ndila muyanda, wa kali mbuli taata kuli ndime.

311 Mudaala umbi . . . walo a Muwesu Seward. Ndi—Ndi baanga ndasalulula ku bantu bakacembaala, Ndila—Ndila bayanda. Elyo Mukwesu Seward mudaala, wa kalala mbuli boobo, awalo. Mubwini, Mukwesu Seward wakali cembeede cikubwene, Nse yeeyi, mbuli Mukwesu Bosworth.

312 Elyo amu mukombele Mukwesu Bosworth. Zintuzyonse tazili zibotu ku busena bonse, pele cili—cili . . . Walo uyandikana mipailo yanu, pele kutali kunji kwabuyo pele buyo yakwe . . . kuti Leza uyo mulekela kuunka mu luumuno.

313 Lino . . . Elyo mpawo tu yanda kuyeeya, akwalo, kuti juunza, na Mwami wayanda, tuya kuzikka umwi wa beenzinyina kuzwa ku mbungano eyi, Mukwesu Sol Coates. Wa kali okuno kwa ziindi zikubwene, wakabeleka mu posti ofisi kwa myaka. Elyo wa kafwida ku Veterans Hospital busiku bumwi. Mukwesu Cox a Ndime twa kaluunkide kuyo mubona, elyo wa ka jisi . . . ansi kapatii. Elyo wa kafwa lino, Munakristo. Elyo twe elede kuyo muzikka kuzwa ku Muunzi wa Dilwe lyaba Coots juunza masikati aa waini okuloko, Mukwesu Neville a Ndime. Nkamu ya Neville yabotatwe iya kwiimba; alimwi tuya kwaabaula miswaangano, Mukwesu Neville a Ndime. Nkuti, Tii ndazyi cindi nitwa cita mabambe acintu, a kukaambo ka Meda. Elyo aboobo, mpawo, dilwe lyakwe liyooba juunza masikati aa wani okuloko, ku Muunzi wa Dilwe lyaba Coots.

314 Elyo mpawo, aa tuu okulo, Bwasanu, Ba. Wheeler. Twa kali kumwiita kuti Pod Wheeler; ngu, Nda luba ncobeni eelyo lyakwe lini . . . Elyo, nywebo mulizi, Nda—Nda kacibona buyo mu mutende nkabela nsezyi kuti walini, kusikila Nda ziba. Wa kali simukoboma kwa myaka, alimwi—alimwi wa kazwaa kuzimina. Wa kali mpoonya awa kunembo lya mbungano, busiku bumwi, elyo Nda kali kusola ku muleta ku mbungano. Busiku bumwi, kutandila mvwiki zyotatwe zyaında, wakaimikila mpoonya awa, alimwi Nda kali kusola ku musungilizya kuboola mu mbungano. Nkaambo, Nse yeeyi kuti wa kaunka ku mbungano na waka jisi ncito imwi nsalensale ya musyobo uli onse, nekubaboobo uli jisi mulombe uli mukambausi wa Baptisti. Pele ta kajisi

ncito imwi nsalensale kuciimo mbuli Mbwe zyi, alimwi wa kazimina lino kuyo swaana Leza. Aboobo oko buyooba Bwasanu masakati aa tuu okuloko ku Muunzi wa Dilwe lyaba Coot. Elyo akwalo, Mukwesu Neville abamwi bano imba, alimwi ku ndilwe eelyo okuya.

³¹⁵ Elyo aboobo, ikuti na umwi wanu uyanda kujanika ku miswaangano, ndi juunza aa tuu, na, juunza a wani. Ndi yeeya kuti kuli kabotu. Embo na, mukwesu? Elyo bobilo, umwi umbi. Sa cili luleme? Tuu, ku Muunzi wa Dilwe lyaba Coot.

³¹⁶ Elyo lino, Munsondo kuseeni . . . Mujibelo kuyooba kapepele. Elyo Mukwesu Neville antela uyo muzibya, ku ciindi eco, cintu buyo . . . ikuti na twa konzya kuba a kuswaangana kwa kuponya kwa Munsondo masiku, na nciindi nzi notuya kujoka ikuti na Nda ulukila kunsalelo ku—ku Florida kuyo bona Mukwesu Bosworth. Ta ndizi nzila Mbwe konzya kutantamuka kuzwa kuli nguwe, walo mweenzuma wakaindi uyandwa. Elyo antela ziindi zyesu zyamamanino kuswaangana, ikuti, Mwami acizumizye, aa nyika eyi. Elyo wa . . . Ta ndizi naa Nda konzya kutantamuka kuzwa kuli nguwe cakufwambaana nape; alimwi Ta ndiyandi kumu tantamuka, pele mulizi mbo cibede, ujisi zintu zimbi nzo elede kucita.

³¹⁷ Lino nkaako kaambo komwe Nke yanda kwaamba awa kuciindi nokuli basyoonto, alimwi bantu abo beenzuma.

³¹⁸ Ndili kkomene kubona Mucizi Smith alya. I ciindi citaanzi Ne kamubona kwa ciindi cilamfu. Wapona buti Mucizi Smith? Ii mwaka, wangu, Ndi syoma kuti ciindi camamanino Ne kakubona . . . [Mucizi Smith wakanana—Mul.] Ku Benton Harbor, Ndi langila kuya kutala okuya ciindi cimwi. Kuli kabotu. Ndi syoma kuti ciindi camamanino Ne kakubona, cakali ku muswaangano wa dilwe mu Louisville. Elyo Nda muyeeya Mucizi Smith kabotu loko. Obo mbo . . . Nda kali kubola kuli nguwe kanji mu traki cindi nitwakali kunga twa selemukila ku mbungano. Taala wa malasha wakaindi kaulengelela kusule lyayo a zikwabilizyo kazizumbaana atala ansi, alimwi zitontola; a ndime, tende lyomwe kalili aanze. Oh, ma. Maanzi manji akali kwiinda mu mulonga kuzwida eelyo, Mucizi Smith. Iiyi, munene. Ee, tu lumba Mwami ku ziibalusyo ezyo ziyandisi, akuci Mu yanda.

³¹⁹ Cintu comwe, umwi inga wagambwa, busiku bumbi . . . Nda kali kwaambaula ku Mukwesu Fleeman okuno mu kagwagwa. Elyo ziindizimwi umwi wakati, “Muswaangano mbowa manina buyo, ncenzi cibamba Mukwesu Branham nca uluka a kuunka?”

³²⁰ Nceeci mbo cibede, mukaintu wangu ula likke. Mwabona? Alimwi ikuti na Nda talika kwaambaula, Njo ambaula kwa cisela ca busiku, elyo ngooyo we, kakkede alya alikke ziindi zinji. Elyo nke kaambo Nda bindaana, kujokela kuli nguwe, nywebo mwabona, ciindi ca masiku; nkambo Ndi talika kwaambaula,

Nda ambaula kwa ciindi cilamfu. Njo ambaula kuli *oyu* umwi cisela caora. Nse konzyi kuunka a kuti, “Yebo *uli* buti sunumasiku? Yebo *uli* buti? Yebo *uli* buti?” Nse citi ceeco. Ndi leka buyo akutalika kwaambaula; elyo muntuumwi watalika kwaambaula makani aacintucimwi, elyo mpawo Ndili alya kwaora. Mwabona? Alimwi ako nkekaambo, ula kkala a kulindila azimwi zimbi. Elyo nkekaambo cili boobo. Tii ndali kuyanda kuti mu ciyeeyele kuti nkaambo Nseli kuyanda kuswaana beenzuma a kusukana maanza abo, akutondezya luswaanano lwesu azimwi zimbi, pele kakali buyo kaambo ka musyobo oyo.

321 Aboobo, lino, nyoonse amube mu mipailo ya baciswa a bapengede.

322 Elyo Muka. Harvey uli mupenzi elyo lyonse, uya buba kabotu. Iiyi, munene. Elyo Nse bona . . . Ndi . . . Lino kwayanda kuli, mbuli kuciimo Mbwe zyi, umwi, dokotela awa. Elyo ikuti na Nda lubizya awa a cibumbili, Leza ndijatile. Pele Ndi syoma kuti Leza uyo bamba bamadokotela kupeda kaambo kuli ncoba kacitila mwanakazi. Ndila—Ndila syoma mu kupandulwa, Ndila syoma mu misamu. Nincobeni, Ndila isyoma. Ndi yeeya kuti Leza wakabatumina okuno kuzo tugwasya, mbubonya buyo Mbwa katuma bamakkanikka ba myootokala a zimwi zimbi. Pele oyo mwanakazi muniini, dokotela wakali mulazikide kusule lyakwe, akuti, “Waa kazwide kkulenge, kwakanyina cintu cakali kukonzya kucitwa.” I mutumbu muniini ujisi nkamu ya bana.

323 Nda kaselemukila kuli nguwe, akusola kupandulula kuli nguwe nzila kwinda ku mupailo . . . Elyo—elyo waa kali mwanakazi mukubusyi ncobeni, utandila ku makumi obilo aosanwe. A nzila Leza mbwa kaponya muvwanda muniini, utegwa “muvwanda wamaleele” okuya ku cibbadela ca bana eno, ca maninjitisi. Elyo ciimo cibyaabo boobo ca i—i mulombwana muniini mbwa kabede, elyo Mwami waka muponya mpoonya awo. Balo, bamadokotela, teeba kakonzya kucimvwisya. Nda kaselemukila kuli Muka. Harvey, elyo Nda kati, “Lino, Muka. Harvey, bamadokotela bakulanzya buyo meso na?”

324 “Iiyi, munene. Ca . . .”

325 Elyo mulumi wakwe wakati, “Iiyi, kunyina cikonzya kucitwa, uzwide buyo kkulenge cakumaninina.”

326 Nda kati, “Ee, lino cintu nco tu yanda, nku syoma Leza, kuti Leza uyo—uyo ponya i . . . ku ponya.” Elyo Nda kati, “Mbo cicitika, kkulenge inga tiilyazwa mpoonya awo; pele ikuti na twa komba, mpawo buumi bwa kkulenge buya kuzwa. Kwayanda inga ko cicisidwe kapati kwa kaindi, elyo—elyo” Nda kati “kwayanda inga waanguluka mpoonyina awo.” Elyo Nda kati, “Mpawo kwaakuma mazuba masyoonto kwanda uya kuciswa kwiinda lyoonse.” Pele Nda kati, “We elede kubikka

lusyomo lwako kulwana kkulenge.” Nda kati, “Ikuti na kkulenge licipona, uyo fwa. Ikuti na kkulenge lyafwa, uyo pona.” Elyo Nda kati, “Lino tula komba.”

³²⁷ Elyo twa kakomba, alimwi a bumboni bonse Mbwe kabona, Leza waka guma mubili wa mwanakazi. Elyo mpoonya awo waa kaba kabotu, waa kaunka kubusena kuyo bona baama, waa kaswaaya bantu beengelede, (cindi na kali mu buusu buli boobo) ta kajisi kucisa. Elyo mpawo kumane kutandila mazuba otatwe akainda waa katalika kuciswa alubo.

³²⁸ Elyo mpawo kaboola kujana kuti dolopo lya kaamba kuti “niba kabbadela dokotela bbilu, ikuti na bamadokotela niba kalipandula.”

³²⁹ Elyo lino ikuti na Nda lubila, Leza andi jatile. Pele ba katola oyo mwanakazi mukubusyi, kapanga “cibelesyo mukusilika” kuzwa kuli nguwe. Ba kamutola kubusena okuya, akwalo kugusya matumbo akwe kuzwa mwida lyakwe, a zintuzyonse. Ba kabweza kuzwa cimbuzi, a kuzidonkola ku mabazu. Elyo wakali a tafule lya kupandulwa kwa maora ali fuka a cintucimwi. I narsi wakati, “Ca kali kulibonya mbuli cijailo, oko nko baka musowela mukati kuzwaku busena kuyaku busena, akubikka maovarri apulasitiki a tupila twa pulastiki.” Eco ncaatalatala, pele obo mbwini. Elyo matumbo apulastiki a zintu mbuli ezyo, akusila mwanakazi kalede mukubambwa oko, mutumbu muniini. Nda amba, mu nzila ya kuyeeya nico, balo bamadokotela bajisi mulandu wa bujaji.

³³⁰ Waa ka baambila, waa kati, “Mukwesu Branham wakandi kombela.” Elyo kati, “Tuyo syoma kuti kkulenge lyesu. . .kuti kkulenge lili fwide.”

³³¹ Kati, “Ndi jisi makani amwi aako, ‘Kkulenge lyako lilapona.’”

³³² Mbobuti mbwa kakonzya ku ciziba? Lya kali mukati, kaatakwe ekisi-reyi ya kuliziba. Kkulenge lya ii . . . Inga waziba kkulenge ku ekisi-reyi, licili kabotu lini, to konzyi kuli bona. Kuli cintu comwe luzutu cakucita, nkutenda mwanakazi a kumu tendaula mu tubeela. Kwa mana. Lino ikuti nakali mutumbu muniini, Ne kamulekela kusoleka lusyomo lwakwe kuli Leza mu busena bwa kupanga “cibelesyo mukusilila” kuzwa ku muntuumwi mbuli oyo. Lino ikuti na Nda—ikuti na Nda lubizya, ikuti Nda—ikuti na Ndi jisi kaambo kalubide, Ndi yanda Leza kundi jatila, nywebo mwabona. Nkaambo Nse yanda kuti muyeeye kuti Nse syomi mu kupandulwa na kuta syoma muli bamadokotela a zintu. Oko kuli kabotu. Pele Ndi yeeya kuti mweelede kuyeeya nco muya kucita kamutana kusya mu muntu, kutali kuba belesya kuba cakusolekela mbuli boobo. Mbo mbubo. Elyo lino, mubwini, ta konzyi kupona. Kwa mana. Ikuti na wapona, ayooaba ncobeni maleele mapati loko ayo akasola kucitika. Cindi mwanakazi naka langa ansi a kubona matumbo

akwe ku lubazu lomwe, a nsa zyakwe zyaka cita kubeleka ku lubazu lumbi, wa kafwa buyo mbuli *boobu*, kafwa . . . Baa, tii cakali cintu . . . muntu muniini uutakweankwaya wakafwa. Elyo mutumbu wakali kutandila myaka yakukomena ili makumi obile aibili na makumi obile ayosanwe kajisi bana baniini botatwe na bone bakukomezya. Ncintu cuusisya nsoni kapati Nce kasola kumvwa mu buumi bwangu. Nda kati, “Ku nzila ya ku ciyeeya, dokotela ula mulandu kuli . . .” Ikuti na kabweza oyo mwanakazi kube cisolekelo buyo nkaambo dolopo lyakali kuyo cibbadelela, mpawo cili lubide, ta ceelede kuzumizigwa.

³³³ [Ii mwaalumi walomba Leza na inga wa boozya mwanakazi—Mul.] Ee, Nda kwaambila, mukwesu, ta cikonzeki. Elyo ta—ta ci . . . Cila—cila konzeka, alimwi akwalo kulangilwa. Nkaambo Ndi muzyi mwaalumi waka kosokede kuboko, mu California (nyoonse mula zumanana a ncico lwanu mu mutende), ka kombelwa, alimwi *oku* kuboko kwa kakosolwa *awa*, kwa kazimba kuyaansi kusikila ku tunwe kali kulibonya ali nkuko lino; kwiinda mu kakokola, kwiinda mu maswaanino a janza, kwiinda mu tansyi, a zibeela lya ngo zyakali kusule lya tunwe, nywebo mwabona. Cili mu, Nda syoma, mu *Herald of Faith* aumwi mweezi. Nokuba cindi na kaba a maanza akwe mbuli *boobu*; caka tondezya awo kuboko kwakwe mpo kwa kakosokela, awo mbo caka komenena. Mweezi aumwi nzila mbo ciboola, kutandila mwaka.

³³⁴ [I muntu wakanana kuzwa ku mbunga alubo—Mul.] Masimpe, mbo mbubo. Ndila syoma . . . Calo—calo—calo ncintu ceenzu, mwabona, calo ncitu ceezu kapati. Muziindi zisyoono Nda kacimvwa. Lino, a Mukwesu Bosworth, wa mukombela mwanakazi busiku bumwi. Elyo Nda kajisi omwe mu muswaangano wangu. Pele wa Mukwesu Bosworth wakali mpoonya awo; wangu wakatola ciindi cikubweni aniini kuli ncico kucicita.

³³⁵ Wa kamu kombela mwanakazi . . . Lino, Nda kabubala bumboni bwa mwanakazi. Waka jisi kkulenge, kata jisi mpemo; lya kalya mpemo yakwe do. Elyo cifumi cakatobela mwanakazi waka jisi mpemo. Lino, Ndi licizi eci . . . Lino, eco nca Mukwesu Bosworth, mu bbuku lyakwe litegwa *Kristo I Musilisi*, Ndila syoma, na *I Sikuleta Lutangalo*, limwi. Lino cili mu bumboni bwa mwanakazi, a zina zyakwe a kkeyala. Elyo uli jisi basimukobonyina a bamadokotela a zintuzyonse zimbi zyaku citondezya, kuti caka citika.

³³⁶ Lino, ku Little Rock, Arkansas, busiku bumwi mu kaanda, Nda kali kunga ndapaila okuya . . . kutali Little Rock, pele Jonesboro. Kutu Nda kali kunga ndapaila . . . Nda kati “Ndiyo kkala mane Nka kombele muntu wa mamanino.” Nda kali aa cibumbili kwa mazuba a masiku ali lusele, mwabona. Elyo mpawo . . . alimwi ambali lya kaanda kwakali mwanakazi wakalibonya, kajisi katambala mbuli *boobu*, elyo Nda kayeeya

kuti waa kali koomoka. Elyo Nda kati . . . Oh, Nda yeeyela yakali tuu na thrii okuloko kuseeni, Nda kati, “Uta omoki, mucizi, Leza Musilisi.”

337 Waa kati, “Nse omoki, Mukwesu Branham.” Waa kakapusya; ta kajisi mpemo, mwabona. I bamadokotela ba kaambide kuti . . . I kkulenge lya kalya kuyaansi ku cifuwa cituba muli nguwe . . . ba kali kutondezya. Elyo Nda kali mukombelede, a kulomba Mwami ku muponya.

338 Elyo kutandila mvwiki zyone na zyosanwe kuzwa eelyo, Nda kali mu Texarkana. Elyo kwakali mulombwana wakasamide kabotu kakkede alya, wa kati, “Sa inga Nda ba aajwi, Mukwesu Branham?”

339 Mbwa kasikila buyo aa cibumbili, umwi wa bamaasha wakasola ku mutontozya. Nda kati, “Ee, atu bone.”

340 Wa kati, “Sena wamuziba oyu mulindu muniini?”

341 Nda kati, “Peepe, Nse citi.”

342 Waa kati, “Ikuti na walanga a cifoto eci inga wa ciziba.” Elyo wa kali sikujaya zyuuka atunyama tupenzya bantu ku—ku Texarkana, elyo abo bakali banyina kaba jisi mpemo mpya kumaninina yakasyuuka, yakabambidwe mbubonya mbuli imwi.

343 Lino eco ciinka kutondezya kuti Leza . . . Nda kacibona kacicitwa. Lino, Leza wakakonzya kucita ceeco kuli Muka. Harvey muubauba. Elyo Nda lomba kuti Ula cicita, ku muntu muubauba uutakweankaya uyanda kupona.

344 Mukwesu Tony, sena wajisi cintucimwi? [Mukwesu Tony walungulula kuponesegwa—Mul.] Mbo mbubo. Ameni. Ameni. Yaa, eco ncibotu, calo. Iiyi, Uyo cicita nconzo, Walo Musilisi.

345 [Mwaalumi umbi waambaula—Mul.] Iiyi. Iiyi. Iiyi, mukwesu. Ameni. Masimpe. Inzya. Inga ncobeni . . . Alimwi inga Nda langila Leza ku ciboozya kuli nduwe, mulombe, ula konzya ku cijosya ncobeni a ku mutondezya. Eco cili mbubonya ncobeni. Nca bumboni ku bulemu bwa Leza, komba kuti Leza uyo cicita. Oh, Wa—Wa . . . Ikuti na Ngu Leza Singuzuyonse, Ula konzya kucita zintu zyonse. Ikuti na Ta konzyi kucicita, zintu zyonse, Tali Leza Singuzuyonse.

346 Kuli cintucimwi eco citu bamba obo mbo tubede, mu nzila mo tubede, nape nekunga twa kajisi ii—ii mitwe mbuli bayuni, cintucimwi mbuli ceeco; ikuti nikwa katali Syaabupampu kunze lyesu kukupanga umwi aumwi wesu kuba abupange, kupanga mbuli musamu wa mubanga, musamu wa popla, amusamu wa palumu, a—a kwiindanya akati kabo obo—obo mbo babede. Kuta tupanga a . . . bamwi kuba a boya, a bamwi kuba amapepe, abawi kuba zikutu, cakuti mwa . . . Mwabona, ngu—ngu Syaabupampu kunze lya ceeco, oyo—oyo weendelezya ceeco. Mubwini Uli zijisi

zintu zyonse mu maanza Aakwe. Alimwi Ndilizi kuti inga Wa cita zintu zyonse. Alimwi tula cikombela, tula komba.

347 [Mwaalumi umbi wakanana kuzwa mu mbunga—Mul.] Nconzyo. Tu jisi. . .

348 [Mucizi Snyder wati, “Mukwesu Billy, ndi jatile.”—Mul.] Iiyi, baama, kuli kabotu, kozumanana. [Mucizi Snyder walungulula “kuponesegwa” cindi Mukwesu Branham naka mukombela Munsondo imwi.] Amen. Yebo ulizi, Nda soleka kuyeeya, Mucizi Snyder, ciindi cimwi Ne kaimvwi awa mu bunanike obo, Nda kayeeya. . . Nda kaambila Mukwesu Cox, Nda kati, “Nse kosola nokuba limbi ezyo zya miswaangano ya kutweluka kunselelo ku cikombelo.” Oh, tozyi nzila oyo dyabulosi mbwa ndiluka konse ku cifumpu, mucizi. Obo—obo mbwa cicita! Nywebo mulizi, kundaambila zya kutweluka oku.

349 Elyo awa, kacitika kuziba kuti mucizi wa Muka. Wood awa. . . Nsena bona naba umwi wa bantu babo. Ii cikama cabo caka ponesegwa kuciindi eco, a oonse. . . Baa, nywebo mulizi, ni peseenti mpati ya bantu aba baka ponesegwa. Elyo kumane i. . . I cintu ceenzu lino; mucizi wakwe, Nda kalide cिसुसुलो anguwe busiku bumwi, kutandila mvwiki z'yobilo kakutanaba eco, . . . Oh, cili kunselelo kwini mu malundu mu Kentucky, elyo Ndi—Ndi zyi buyo kuti wa kajisi jwi mbuli Muka. Wood, alimwi tii kwakali kumweka maningi mu kaanda. Elyo Nse kabikkila maanu kuli nguwe nekuba, Nda kali, kaambaula kunji ku mulumi wakwe, waa kabamba cिसुसुलो. Elyo wa kazwa a kukkala akulya; a kujokela mukati, Nda kaambaula ku mulumi wakwe, wakabuka a kuzwa. Elyo Leza Uli Mubetesi wangu cakusinizya ulizi (wiimvwi kumbali lya cikambaukilo eci) Nse kamuziba oyo mwanakazi.

350 Elyo mpawo kumane muswaangano wakuponya, Nda kaita lwiito lwaku cipaililo lwa basizibi kweempwa. Elyo waa kali sikakomokomo loko kuli Ncico; elyo waa keempwa akupa buumi bwakwe kuli Kristo, wakatambya mutwe wakwe kuti wakali kuyoopa buumi bwakwe kuli Kristo, nkabela wa koomoka. Bunanike boonse nibwa kamwaika; kupanga lwiito lwangu lwaku cipaililo, azimwi zimbi. Elyo mpawo Nda kanyona, elyo mpaawa kwakali cilengaano, nkabela Nda kamubona munyina; oyo wakali mucizi, oyu wakali mucizi wakwe, elyo bakali antoomwe.

351 Elyo Nda kali kuyeeya kuyi wakali mukaintu wa Charlie, nkaambo Nda kalizi katu kkedede ku tafule buzuba bumwi, kunselelo okuya ku—ku ng'anda ya Charlie. . . Mukaintu wakwe muubauba, muubauba maningi, Mwami wakandi tondezya penzi ndya kajisi kwaciindi. Elyo kuzwa ku wooru ndyoonya, Mwami waka guma mubili wakwe, kakkede alya ku tafule lyakwe eno. Tony, uli kuli, kunselelo okuya, kainka kuyo vwima basikaale. Elyo Mwami waka guma mubili wakwe

akubweza cintu nca kajisi kusama zyonse zya...ku buumi bwakwe boonse, kuzwa kuli nguwe; kukkala buyo alya. Elyo mwanakazi muniini lyoonse ulida atala eni kumamanino ambi aa tafule, pele sunu, waa boola kunze nkoonya, akusuzya cuuno cakwe mukati, a kulya nkoonya kumbali lyangu. Ta kazi eco ncakali kucita. Mulumi wakwe wakali kkedede mbuli *boobu*, elyo Mukwesu Banks kakkede alya, elyo swebo ka twaambaula. Elyo waa kazunguluka, aku jana cuuno cakwe, a kucibikka awa kumbali lyangu. Elyo cakali ca bukanze, Mwami waka tondezya cilengano mpoonya alya. Elyo Nda katumina mulumi wakwe, nkaambo lyakali penzi lyaku bukaintu, Nda katalika kumwaambila makani aceeco cakacitika. Wa kati, “Mukwesu Branham, eyo nje nzila ncobeni mbo cakacitika, mbubonya mbuli obo.” Elyo ngooyo wa kamwaambila, nkabela Mwami waka muponya. Yaa.

³⁵² Elyo mpawo cindi kuswaangana nikwa mana busiku obo, elyo oyu mucizi umbi, Nda kabona Charles muniini a mwanakazi oyu antomwe. Nda kayeeya, “Oyo weeleda kuba mukaintu wakwe; pele mukaintu ngwa masusu atubuluka, alimwi oyu mwanakazi wa masusu asiya.” Elyo Nda kacitika kuziba cilengaano kuya mu kkona atala awa. Elyo waa kali kkedede alya kapukuta meso akwe nkabela Mwami waka tondezya cilengaano na kamana...lwiito lwaku cipaililo...nikwakamana muswaangano wa mipailo, kuponya kwa baciswa, a lwiito lwaku cipaililo nilwa kacitwa, nkabela Leza wakalindila mane waa keepwaa kupa buumi bwakwe kuli Nguwe elyo mpawo kunyona a kumu ponya. Elyo waa kajisi...mapenzi akwe aka muzimbya kwa myaka. Elyo waa kaselemuka maningi, a zintuzyonse, mane naaba matende akwe akapusama oko onse nkwa kaindi kuzwa kuli nguwe (misamu ikola) kuzwa ku mubili wakwe. Limvwa kabotu kwiinda mbwa kalimvwa mu buumi kwa myaka, mwabona. Elyo nzila Mwami ku luzyalu Lwakwe lugambya mbwa cita ceeco! Ndi yeeya kuti ako nke kaano; embona, Mucizi Wood? Elyo obo Mbwa cita! Kumane... Waamba nzi? [Mucizi Wood wati, “Wa kaswekelwa mapaundi ali ciloba mvwiki yainda.”—Mul.] Mapaundi ali ciloba mu mvwiki. Oh, Ngu Leza! Tali Nguwe na?

³⁵³ Lino, Ndila mwaambila, kaambo Nce kaambila Mukwesu Neville...Nda kayeeya ndiza wa kajisi mulumbe wa sunumasiku. Wa kati, “Peepe,” ta kajisi. Elyo Ndi jisi mibuzyo misyooonto awa ya kasyaala, Nda kalimvwa kusinikizigwa kulilemeka kunselelo a kwiingula eyi mibuzyo. Mpawo Ndi jisi yobilo na yotatwe imbi antela Nje tako bweza sunumasiku.

³⁵⁴ Ndi yanda ku mutondezya imwi yazwaa kupegwa kuzwa ku mukambausi. Mukwesu Neville buyo, na, Beeler wazwaa kwiileta kuli ndime. [Mukwesu Branham waingula mibuzyo itobela ili lusele mu Cibeela III, kutalikila paragilafu 668, mbuli myeelwe ya mibuzyo 67 kwinda mu 74—Mul.]

Ino mabwe aiminina nzi mu Ciyubunuzyo 21:19 a 20?

Pandulula banyama bone ba Ciyubunuzyo 5 . . . Wa amba 6; taili Ciyubunuzyo 5, ngu 6, Nda syoma.

Alimwi mbaani baalu bali makumi obilo abone?

Ino katambo kasalalapyu mu Matalikilo 38 kaambanzi?

Nkokuli zipego nko zyeede kuyo tumwa kujatikizya lufu lwa bakamboni bobilo, Ciyubuuzyo 11?

Nkokuli basalali nkobaya kuba basalali kwakumana bulelo bwa myaka ili cuulu? Alimwi musyobonzi wa mubili ngo bayakuba awo?

Mbobuti mbo tuya kubeteka baangelo?

Ino nkuba buti kwa masusu aa baangelo ba Bakorinto Bataanzi?

³⁵⁵ Amwaambaula imwi mibotu, eyo mibotu imwi. Antela tandi kosika kuli njiyo sunumasiku, pele na Mwami wayanda, Ndila sola kwiibweza ciindi citobela twa kuboolela eyo.

³⁵⁶ Ndi jisi imwi mibotu loko omuno sunumasiku; aboobo tula paila buyo lino akulomba Mwami kutu gwasya, alimwi tula njila muli njiyo cakubinda kuli itobela, oh, maminiti ali makumi otatwe aosanwe, makumi one.

³⁵⁷ Lino, Taata Wakujulu ulelekedwe, tuli lumbide kuli Nduwe kuli zyonse Nzo katu citila. Elyo, oh, cila gambya kapati nzila luzyalo lwako mbo luselemukila kuli ndiswe. Ndila yeeya lino, busiku bumwi, alimwi oyo mulongwe wangu muniini, oh, kacidwe loko, nkabela Wa kasika aa cilao. Ntuntumaanzi yakwe yakatalika kumwaika ku oora ndyoonya, akumaninina lino. Nda Ku lumba. Elyo i . . . kukomba buyo kuti Uyo oba a umwi aumwi oyo walomba nkumbizyo sunumasiku. Elyo tu zyi buyo asyoonto, kusikila casika ku muunzi wesu wini, eco nco caamba, mupailo muniini. O Leza, cintu . . . obo—obo Mboba kasimpe ncobeni. Mu oora elyo cindi dokotela naya kutantamuka, akuti, “Nse zyi, Nse na kubona cimwi cililemeka mbuli ncico,” elyo mpawo Mwami Jesu wanjila aa cilao.

³⁵⁸ O Leza, Uli kasimpe loko kuli ndiswe, alimwi tuli kkomene kapati kuli ncico. Twa lomba kuti Utu lekelele toonse ku nzila zyesu zya butolo, a nzila zyesu zyabufuba. Elyo, oh, kutuyeeya buyo, Mwami, kuti tuli bantunsi bali mu inyika ya mudima, inyika ya musinze a cibi a lupilingano. Elyo tulanga kwinda mu cisitilizyo, mbuli mbo cakabede, ku busyu bwesu, alimwi tula bona akuziba biyo mbuli cabuntu awa. Pele buzubabumwi cindi eco cisitilizyo caakuvumbulwa, tuyo Ku bona busyu ku busyu a kuziba mbuli mbo tuzizilwe. Obo mbo buzuba mbo tusukamina.

³⁵⁹ Twa lomba Taata, lino, kuti Uyo tugwasya mbuli mbo tusola kugumika kubantu Ijwi lya Leza, kweendelana ku nkumbizyo zyabo. Gwisya malwazi onse kuzwa kuli ndiswe. Tuli Ku

bulide, Mwami. Elyo twa lombwa kuti Uyo kupa. Lekela luse Lwako lupedwe kuli ndiswe, nkambo twa cilomba mu Zina Iya Jesu. Amen.

³⁶⁰ Lino, ku kuvwiila mibuzyo, Nseli uinda mu cisi, nywebo mulizi. Pele Njo ingula kububotu bwa luzibo lwangu.

³⁶¹ Ngooyu umwi Ngwe katalisya busiku bumwi, nkabela Nda kacita kuleka:

60. “Ku Muuya omwe toonse twaka bbizigwa mu mubili wa Kristo.” (Mula yeeya nyoonse kuti oyo wakali mubuzyo Ngwe kajisi. Lino oyo ujanwa, mubwini, mu Bakorinto Bataanzi 12)...**Ku ciindi notuli...tambula kuzyalwa kupya, oku kulacitika. Kwalo nkooku...Sa olu ndu Bapatizyo Iwa Muuya Uusalala, na sena kuli lubapatizyo kwamana, na nku zuzigwa?**

³⁶² Lino, ngooyo mubuzyo ukubwene, alimwi inga twa manizya ciindi cesu mpoonya ali oyo omwe, alimwi sunumasiku a juunza masiku abumwi bumbi. Uyo guma...uyo—uyo—uyo beza akuswaanganya Bbaibbele mbolizulwa antoomwe. Alumwi Lugwalo lweelede kuswaangana kabotu antoomwe a Lugwalo lonse lumbi mu Bbaibbele.

³⁶³ Pele kusola buyo kucibamba buyo mu bufwaafwi, cantangalala mbuli Mbwe zyi nzila ya kucibamba, peepe; cindi wasyoma Mwami Jesu Kristo, mpawo ujisi kuzyalwa kupya. Cindi wasyoma Mwami, watambula muyeeyo mupya, buumi bupya, pele taluli Lubapatizyo Iwa Muuya Uusalala. Mwabona? Yebo ujisi kuzyalwa kupya cindi wasyoma, ujisi Buumi Butamani. Ncipego ca Leza eco capegwa kuli nduwe kwinda ku luzyalo lupatikampatila kwinda kukuzumina cipego eco Leza nca kupa. “Oyo—oyo uumvwa Majwi Aangu a kumu syoma oyo waka ndituma, ujisi Buumi Butamani.” Uli jisi buumi buteli; oko nkuzyalwa kupya, wa kasanduka, caamba kuti wa “kanyonwa.”

³⁶⁴ Pele Lubapatizyo Iwa Muuya Uusalala lukubikka mu mubili wa Kristo, kweendelezegwa ku zipego nkambo ka mulimo. Taku kubambi kuba Munakristo wiindilide pe, lu kubikka buyo mu mubili wa zipego. Mwabona? “Lino, ku Muuya omwe” (Bakorinto Bataanzi 12) “toonse twa kabbizigwa mu mubili omwe. Lino,” Paulo ulati, “kuli zipego zyandeeene, alimwi mu mubili oyu kuli zipego zili fuka zya kumuuya.” Alimwi mu mubili oyu... We elede kubbizigwa mu mubili kuti uvube cimwi ca zipego ezi. Ziboola antomwe a mubili.

³⁶⁵ Pele, lino, kuciimo cakuba a Buumi Butamani akuba Munakristo, uli Munakristo ciindi wasyoma. Lino, kutali sikuli cengeezya, oko nkusyoma nconzyo ku Mwami Jesu aku Mu zumina mbuli Mufutuli wako wacigaminina; ula zyalululwa mpoonya alya, a kuba a Buumi Butamani. Leza wasika muli nduwe.

³⁶⁶ Lino amulangilile, Buumi Butamani; Jesu wakati, “Oyo uumvwa Majwi Aangu akusyoma Oyo waka Ndi tuma, ujisi Buumi Butamani, nkabela taka booli ku lubeta pele wazwa ku lufu kuyaku Buumi.” Uli cilenge cipya mpoonya awo. Mpawo Paulo waka swaanganya bantu bamwi, kutala mu Incito 19. Ba kajisi mukambausi kutala okuya oyo wakali loya wakasanduka wa zina Iya Apolo. Elyo Apolo wakali mwaalumi singuzu mu Magwalo, alimwi wa kali kutondezya ku Magwalo kuti Jesu wakali Kristo. Mwabona?

³⁶⁷ Lino amulangilile. Apolo, kwinda ku Ijwi, wakali kutondezya ku Ijwi. “Lusyomo lulaboola ku kumvwa, kumvwa Ijwi. Oyo uumvwa Ijwi Lyangu, akusyoma Oyo waka Ndi tuma, ujisi buumi buteeli.” Sa mwa cimvwa? Apolo, ku Ijwi, wakali kutondezya. Elyo aba bakali Banakristo, bakali batobezi, basikwiiya. Elyo Apolo wakali kutondezya ku Ijwi, kuti Jesu wakali Kristo. Elyo baka jisi lutangalo lupati a kutambula Ijwi, nekubaboobo kabazi biyo lubapatizyo Iwa Johane.

³⁶⁸ Elyo cindi Paulo nakainda mu nkomwe zyaatala zyaku Efeso, wa kajana aba basikwiiya nkabela wa kati, “Sena mwaka tambula Muuya Uusalala *kuzwa* nimwa kasyoma?” Mwabona?

³⁶⁹ Lino, cindi wasyoma, Jesu wakati, “Ujisi Buumi Butamani.” Oko nkuzyalwa kupya. Oko nkusanduka kwako, kucinca. Pele Lubapatizyo Iwa Muuya Uusalala ni nguzu zya Leza zyakuti wabbizigwa mukati alimwi weendelezegwa ku zipego ezi zili fuka zya kumuuya kubeleka kwinda muli nduwe; mbuli, kukambauka, bavangeli, baapostolo, beembeli, basinsimi, . . . a zyonse zipego zya mubili zyasika muli oyu, cindi wa bbizigwa mu mubili oyu. Elyo eco. . . taciku bambi kwiindila kuba Munakristo, kukusitikizya buyo mubusena mu cilao kuba muuya uukutauka mu Mbungano ya Leza muumi. Lino mwacimvwa na? Mwabona?

³⁷⁰ Lino mubuzyo ngwa kuti. . . Atwi ingule omwe buyo, kuli mibuzyo yotatwe.

“Ku Muuya omwe tonse twa kabapatizigwa mu mubili wa Kristo.”

Obo mbwini, Bakorinto Bataanzi 12 iyooapa bwiinguzi kuli oyo. Ncibotu.

Ku ciindi eco twa tambula kuzyalwa kupya, oku kulacitika? Sa eco ncindi nzi?

³⁷¹ Eco ncoba yanda kuziba, iiyi. . . “Ku Muuya omwe. . .” Peepe. Peepe. “Ku Muuya omwe tonse twa kabbizigwa mu mubili omwe.” Mwabona, eco tacili cindi kuzyalwa kupya nokutalika, kuzyalwa kupya kutalika cindi wa *syoma* Mwami Jesu.

³⁷² Lino mwabona, ta kukwe ii. . . ta kukwe cintu comwe. . . Lino amuswiilile. Ino ncinzi neokonzya kucita kunze Iya kusyoma? Ino nkuuli kumbi nkokonzya kucita? Ino inga wacita

nzi kujatikizya ncico kwiinda ku cisyoma buyo? Mundaambile cintu comwe nco konzya kucita. Takukwe cintu comwe nco konzya kucita kusule lya ku Li syoma. Lino, ikuti na kufumbwa cintu casika anze lya kusyoma kwako, tacili ca mucito wako wini, mucito wa Leza. Nkikaako . . .

³⁷³ Lino ikuti na twa amba kuti cindi wa . . . Ii ziindi zinji Nda kabona, ziindi zinji, bantu baka tambula “cizibyo citaanzi ca kwaambaula mu myaambo” mbuli Muuya Uusalala. Alimwi ziindizimwi kusukana a bantu, na kubauma a kubaumauma, kwaamba kuti, “Ko caamba. Ko caamba. Ko caamba. Ko caamba.” Nywebo mulizi, kuloolola bbala ziindi zinji, “Ko caamba. Ko caamba. Ko caamba.” Mwabona, ncintucimwi nco cita omwini. Alimwi—alimwi—alimwi ta ci . . . ta ciciti . . . ta—ta cili cintu. Inga wanyongana ku myaambo. Inga wajana ii—ii zintu zinji, a kulimvwa. Pele ikuti na cimwi caboola anze ku lusyomo lwako lugaminina, ceelede kuba cipego ca Buleza ica Leza capegwa kuli nduwe. Mwabona?

³⁷⁴ “Elyo ku Muuya omwe tonse twa kabbizigwa mu mubili omwe.” Obo mbwini, mwabona. I Lubapatizyo lwa Muuya Uusalala mucito wandene kuzwa ku kuzyalwa kupya. Umwi nkuzyalwa, umwi ndubapatizyo. Umwi uleta Buumi Butamani, umbi ukupa nguzu. Ukupa nguzu mu Buumi Butamani, mwabona, kubeleka. Lino mwa cimvwa? Yaa. Ncibotu.

³⁷⁵ Lino ngooyu umbi, kwasika wabili, wiinda oyo Ngwe kajisi busiku obo:

61. Wa kali kuli Muuya wa Jesu mazuba otatwe mubili Wakwe niwakali mu kabanda? Wa kali kuli Muuya Wakwe?

³⁷⁶ Lino, Muuya Wakwe, ikuti na mwa tobela Magwalo, . . . ee, inga twa leta masena manji. Pele, Nda libuzya, nguni ujisi Bbaibbele? Mukwesu Stricker, uli jisi Bbaibbele na? Ncibotu. Mukwesu Neville, uli jisi lyomwe? Kondi janina Ntembauzyo 16:10. Alimwi nguni umbi? Mucizi Wood, uli jisi Bbaibbele awo na? Ee, Mukwesu Stricker, (yaa, naba umwi), kondi janina Incito 2:27, Incito 2:27.

³⁷⁷ Elyo lino, busena butaanzi, cindi Jesu nakafwa . . . Cindi wafwa, mubili wako ulafwa. Ibbala *lufu* lyaamba “kupambuka,” kupambulwa buyo kuzwa ku bayandwa. Pele awa Wa kaamba ceeci, mu Musalali Johane, chipati ca 11, “Oyo uumvwa . . .” Kutali . . . Mundi jatile; omo mu Musalali Johane 5:24, “Oyo uumvwa Majwi Aangu ujisi Buumi Butamani.”

³⁷⁸ Jesu wa kaambila Marta, oyo wakasika kuzo muswaana, . . . Waa kati, “Ikuti na Wa kali kookuno, mukwesu nata kafwa pe. Pele nokuba lino, kufumbwa Nco konzya kulomba Leza, Leza uyo cipa kuli Nduwe.”

³⁷⁹ Wa kati, “Ndime bubuke a Buumi.” Mwabona? “Oyo uusyoma Ndime, nekubakuti wa kali fwide, uya kupona; alimwi kufumbwa oyo upona ausyoma muli Ndime, ta kafwi pe.”

380 Lino—lino, nceeco cibeela cesu citafwi. Elyo mbuli Mbwe zwaa kwiinda mu mulongo wa Magwalo, zintuzyonse zijisi matalikilo zili jisi magolelo. Nzintu ezyo zitakwe matalikilo, nze zita jisi magolelo. Nkikaako cindi twa zuminina Kristo, Leza, tuba bana balombe abasimbi iba Leza, nkabela Buumi bwesu tabugoli buya mbuli Buumi bwa Leza mbo butagoli; tu jisi Butamani.

381 Lino, bbala *kwalyonse*, twa kainda muli ndilyo. I bbala *kwalyonse* kwalo “mwaakwe wa ciindi,” kwalyonse *alimwi* (bbala liswanganya) kwalyonse. Elyo tula jana awa kuti kuli—ku jisi magolelo, mbuli buyo kupanga koonse, a malwazi onse, a buusu boonse, a zisubulo zyonse, a gehena lwayo ili jisi magolelo.

382 Pele Buumi Butamani tabukwe magolelo, nkaambo Tii bwaka jisi matalikilo. Ta bukonyi kuzaya nkambo taakwe Ni bwa kazyalwa. Ta bukwe matalikilo aa mazuba, Ta bujisi magolelo aa ciindi. Lino, nzila ilikke njo tu konzya kupona Cabutamani, nkwiinda mukutambula cintucimwi eco Citamani. Alimwi Leza wakali; kakutanaba cintu cili conse, wakali Leza. Leza taakwe naka jisi matalikilo na magolelo.

383 Alimwi Leza wakali oyu Muuya mulemu. Wa ka Mu tondezya mbuli i—mibala ili ciloba ya fulicoongo eyo ivumba. . . I buta mubwini nibwa kavumba nyika ikuti nibwa takauma nyika. Alo maanzi buyo mu mubalo wa koongomana kwa nyika, cintu cicipanga. Pele, lino, mbuli Leza mbwali Uutamani, alimwi Wa kali Ulondokede: luyandisyo lulondokede, lumuno lulondokede, lutangalo lulondokede, kukkutila kulondokede. Yoonse eyo myuuya ili ciloba (mbuli mbo tunjila mu Ciyubunuzyo), ya kayutuka; ayaka panga Leza, bwakali bulondosi. Zintuzyonse zimbi zilaanze zyakali cintucimwi eco cakasandulwa sandulwa kuzwa kuli Ceeco.

384 Lino nzila biyo njo tu konzya kujoka ku bulondosi, nkujokela antomwe a Ceeco (bulondosi, uli ngu Leza). Mpawo twa sika ku bulondosi, mpawo tu jisi Buumi Butamani; butakwe magolelo, na kakutakwe—kakutakwe cili conse, bwalo Mbuumi Butamani bwalyonse.

385 Lino walo ukanana zya buntu. . . i muuya. Nkambo tulai tola mibili yesu ku cuumbwe ca bakaba basalali besu, ku mubili oyu. Elyo mubili. . . Mu busena butaanzi, cindi Leza, Logosi niya kwazwa kuli Leza. . .

386 Oh, mbuli Mbwe kainda muli nkuko, Katolika i Wiita kuti, “ciimo Camwana Uutamani wa Leza.” Kwalo, mbuli Mbwe kaamba kale, bbala tali bambi kuyeeya kubotu akwalo. Mwabona, ta kukonyi kuba mwana Uutamani, nkaambo mwana wakali jisi matalikilo. Alimwi aboobo Jesu wakali jisi matalikilo, Leza taka jisi matalikilo. Mwabona? Pele Mwana waka i. . . kutali ciimo camwana Uutamani, pele Mwana oyo

wakali antomwe a Taata ku matalikilo wakali Logosi oyo wakazwa kuli Leza.

³⁸⁷ Elyo wakali theofani wa Leza oyo wakazwa. I ciwa cabuntu cata kajisi meso mbuli mbo mubona; meso mabotu. Tee ya kajisi matwi mbuli mbo muvwa, pele kwindilila ku kumvwa. Mwabona, Ya kali theofani, kuti, onse oyu fulicoongo wakalitola ansi mu ii—ii theofani. Musa waka Ubona cindi Ni wakainda ku mwaala mbuli boobo. Wa kabona zibeela zyasule, kati, “Wa kaboneka mbuli muntu.”

³⁸⁸ Abrahamu waka Mu bona cindi Na kaselukila ansi mu mubili wabuntu a kulya nyama ya moombe, akunywa mukupa, akulya bbata. Abrahamu waka Mu bona mbuli Mbwa kanjila, elyo mpawo wakazimaana mpoonya awo kuzwa kuli ncico. Tu jana kuti mibili yesu ipangidwe aa tuntu tuli kkumi acisambomwe itwa mu nyika, tu boola buyo antomwe. Elyo Leza waka tubikka antomwe, akubikka Baangelo bobilo mu mibili eyi; Baangelo abo bakaimikila akwaambaula. Elyo Baangelo bakali bantu kuli comwe. . . alimwi ku ciindi eco.

³⁸⁹ Lino amubone, tu jana boobo, Wa kalini Melikizedeki cita Leza Mwini! Ta kakozya kuba umbi, nkaambo Wa kali Mwaami wa Salemu uli ngu Jerusalemu. Ta kajisi bawisi nanka banyina; taka konzya kuba Jesu, nkaambo Wa kali jisi bawisi a banyina. Ta kajisi matalikilo aa mazuba, naanka magolelo aa buumi; kuli biyo Omwe ujisi eco, oyo ngu Leza. Wa kali Leza kakkala awa mu theofani. Mwabona? Amubone, Mwaami wa Salemu.

³⁹⁰ Lino, Leza wakapona kwinda mu bukkalo, kwiinda mu bantu Bakwe. Wa kali Leza muli Davida, waka mubamba kukkala atala lya mulundu, alimwi mwaami waakakwa, akoomoka. Oyo Muuya nguwenya wakayubululwa muli Jesu Mwana wa Davida, Oyo waakakwa mu Jerusalemu a kulila.

³⁹¹ Josefa, wakasambalwa kwa nsiliva zili makumi otatwe, wakasulaikwa kuli babunyina, wakayandwa kuli wisi, waka kkazikwa ku janza lyalulyo lya Farao, nkabela taakwe muntu wakali kukonzya kusika cita muli kusola. . .kusika kwinda kuli Josefa, nkabela mweembo wakalizigwa a mazwi onse akafugamina Josefa: cikozyanyo cilondokede ca Kristo. Oyo wakali Muuya wa Kristo kaupona kwinda mu bantu abo. Mwabona?

³⁹² Lino, lino mpawa cindi Jesu nakafwa, wakali Leza waka yubululwa mu mubili. Leza wakaba muntu. Mu milao ya lununuko, nzila biyo muntu mbwa kakonzya ku nununa lukono lwaka sweeka ilwa Israyeli, wa kacita kuba simukowa. Wa keelede kuba simukowa wamunsi loko. I Bbuku lya Rute lila cipandulula kabotu; alimwi wa kacita kuba simukowa. Aboobo Leza wakacita kuba sikamukowa ku muntu, kutegwa muntu kakonzya kuba sikamukowa kuli Leza. Mwabona?

³⁹³ Wa kali muuya muli nguwe, muntu wakacita cindi nakazyalwa, nkaambo walo muuya wa bulenge. Walo muuya wa inyika, walo muuya wa i—i kaleza ka inyika eyi. Walo ncisyuulika buyo ca Adamu.

³⁹⁴ Ii musamu ula lilzyalulula wini. Ziteo zila lizyalulula zini. Banyama bala lizyalulula beni. Bantunsi balali zyalulula beni. Balo nzipangululwa zya bulenge butaanzi. Mwa cimvwa?

³⁹⁵ Lino, lino cindi muntu azyalwa, ula zyalwa kajisi muuya muli nguwe wa inyika eyi. Nke kaambo weelede kuzyalululwa. Nkambo oyu muuya uzwa ku kumita kwa wisi a nyina, oko kwakali kumita kwankwela, alimwi ncobeni konzyi kupona kwalyonse. Aboobo weelede kuzyalululwa. Elyo katana konzya kucita ceeco, Leza wakaseluka ansi akumu bambila nzila ya kuzyalululwa; nkaambo ta kajisi nzila ya kunununa mwini, taa kajisi bulangizi. Ta ka . . .katakwe bulangizi, katakwe Leza, katakwe Kristo, mu inyika, kasweekede akunyonyooko. Wa—wa . . .takukwe cintu ncakonya kucita kulivuna mwini. Wa . . . onse . . . Takukwe makani na wakali mupaizi mupati, ikuti na wa kali bbishopo, ikuti na wa kali poopu, kufumbwa mbwa kabede, uli jisi mulandu mbuli muntu utobela.

³⁹⁶ Aboobo, cakatola Umwi waka kajisi mulandu, ku cicita. Elyo Umwi alikke waka kajisi mulandu wakali Leza Mwini. Alimwi Leza wakacita kuseluka ansi akuba muntu (alimwi Wa kasika mu ciwa ca Kristo) kukusimpika lumoola lwa lufu, ku kugusya kuluma kwa lufu, ku tunununa, kuti swebu . . .kutali ku milimo yesu na ku bubotu bwesu (ta jisi), pele ku luzyalo Lwakwe, kutegwa tufutuke. Mpawo tu tambula Buumi Bwakwe mu mubili uufwika, alimwi lino tuli bana balombe abasimbi iba Leza, nkabela tu jisi Buumi Butamani mukati kesu. Tuli bana balombe abasimbi iba Leza. Nkikaako, Jesu, mukuba muumi . . .

³⁹⁷ Elyo taakwe muntu, takukwe makani mbwali mubi a mbwali mubotu, cindi na keelela . . .cindi asiya eyi nyika, ta fwide pe. Uli kubusena bumwi bumbi. Pele uli jisi buumi buya kuloba, akumana kusubulwa mu gehena nkambo ka micito yakwe, wa . . .pele nekubaboobo obo buumi bweelede kumana. Kuli musyobo omwe luzutu wa Buumi Butamani.

³⁹⁸ Lino, twa kainda muli ceeco. Ikuti na muntu wakonzya kuba sizibi akusubulwa kwalyonse . . .Ta konzyi kusubulwa kwalyonse citakuti ujisi Buumi Butamani. Ikuti na uli jisi Buumi Butamani, wa kafutuka. Mwabona? Aboobo musyobo omwe luzutu wa Buumi Butamani, nkabela oyo ngu Zoe, “Buumi bwa Leza.” Elyo takonzyi kuloba.

³⁹⁹ Pele babi bali mu busena bwa—bwa kulindila (mu kupenzegwa) ku lubeta lwabo (ku kubetekwa kweendelana ku micito yakacitwa mu mubili) ku buzuba bwamamanino. Lino, pele swebu . . . Zibi zya bantu bamwi zila basololela, bamwi bala zitobela.

400 Lino ikuti na twa lyaamba zibi zyesu, Ula tu jatila, nkikaako ta tukasoli kwiimikila ku lubeta lwa Leza. Mwa cimvwa na? Amulange, Baroma 8:1, “Nkikaako takucikwe lino luzulo kuli baabo bali muli Kristo Jesu.” Bali MULI Kristo. Ba kazwa ku lufu kuya mu Buumi; mwabona, ta tujisi luzulo alimwi twa kali muli Kristo Jesu. “Abo bateendi mbuli basinyama, pele beenda mbuli Muuya.” Mwabona? “Oyo uumvwa Majwi Angu, usyoma Oyo waka Ndi tuma, ujisi Buumi Butamani.”

401 Elyo ikuti na Nda kazuminwa muli Kristo, nkabela Kristo wakatola lubeta lwangu, alimwi Nda kazumina mulungu Wakwe a zibi zyangu, mbobuti Leza mbwa konzya kundi beteka? Wa kandi beteka kale, cindi Na kabeteka Kristo. Mpawo Ndila angulukide kuzwa ku lubeta. “Mpawo cindi Nda kubona Bulowa, Ndiyo mwiindilila.” Mwabona?

402 Pele, lino, babi tabali boobo. Walo uunka mu busena bwa kupenzegwa. Elyo tu lizi kuti obo mbwini. I babi bala pona. Uli mu busena bwa kupenzegwa. Uli mu busena mbwa tazyi. . . Eyo nje nzila aba basimizimo a basibusangu mbo baiita eyi myuuya ya bantu abo bakafwa, musyobo umwi wa basikusangabala a kudana kubi a zintu nzoba saana, ikuti na mwakasola kubona zimwi zyaco. Yaa. Nkaambonzi? Ta ba. . .

403 Amulange oyu Muka Piper, caano cangu katacina unka ca *I Maleele a Donny Morton*. Mbangaye baka cibala caano eco? Iiyi, bunji bwanu mwakacita, masimpe. Alimwi mocili mu *Reader's Digest*. Sena mwakabona, kacita kuunka eco ca Muka Piper, simizimo mupati loko inyika ngo yakasola kuziba. Mapeegi ali kkumi aabili ku kaano kakwe. Elyo kwa myaka ili makumi osanwe. . . Ba kali mutolede ku inyika yoonse, a cizibyo casayaansi a zintuzyonse, kuti, “waa kali kwaambaula ncobeni a bafu, a bantu bakayutuka.” Inzi? Zina lya Leza taakwe nilya kaambwa ciindi comwe, taakwe kweempwa, taakwe kuponesegwa kwa Buleza, kwiina cintu cijatikizya Ncico, mwabona.

404 Cintu biyo cakaliko, bakali abo bantu bakaambwa, “John, sena uli ndizi? Ndimwe George wakali kubusena buli *boobu*, alimwi Nda kacita cili *boobu-a-boobu* alimwi *boobu-a-boobu*. Ula buyeeya na busena mbo twa kaunka a kucita ceeci?” Mwabona, nku konse nkobazi. Bali fwide. Ba kaina kuzwa. . . Tabali—Tabali cintu cisyeede cita lubeta.

405 I nzila musamu nko uyeeme, nko kunzila nkouwida. Elyo ciimo ncofwa. . . Ako nkekaambo Nce impana akukombela bafu, mwabona, mipailo ya kukombelezeyya na—na mulalilo wa basalali abumwi bumbi. Taku konzyi, kweendelana ku Ijwi lya Leza. Ta cigwasyi kukombela umwi amane kufwa. Bali manide. Bali. . . bala. . . Ba kaindilila akati ka luse a lubeta. Kwayanda bakainka ku luse, na kutantamuka kuzwa ku luse. Jesu wakaamba boobo, mu chipati 16 ca Musalali Matayo,

Wa—Wa—Wa kaciyiisya; chipati ca 16 ica Marko, Nda syoma mbo cibede. I muntu muvubi a Lazaro; taakwe muntu ukonzya kuzabuka mugelo oyu, a uya kusola kuuzabuka! Mpaawo we. Mwabona? Aboobo cila cibamba.

⁴⁰⁶ Lino, pele cindi Kristo nakafwa, zintuzyonse zya kapa bumboni kuti Wa kali Kristo. Lino atuye ku mubuzyo wako. I cintu citaanzi, nyenyeezi zyaakaka kumweka, zuba lya kabbila, mweezi tii wakapa mumuni wabo, nyika yaka zungaanya myaala yayo, ku lufu Lwakwe. Elyo Wa kaunka akuyo kukambaukila buntu bwakali mu ntolongo, obo bwata keempwa mu ciindi cakukkazimoyo ku mazuba aa Nowa. Wa, ba kacita kuziba. Amu cilange eco! Elyo ikuti na kuli sizibi mu coolwe awa sunumasiku, kociyeeya eco asyoonto. Buzubabumwi aya Makanimabotu ngo swiilila ndyoonya eno, uyo yandika kupa bumboni kwinda kuli Ngawo. Kubusena bumwi uyo fugama mazwi ako, kakutakwe kulanganya na nduweni. Antela uyo tola myaka ili zyuulu zili kkumi kuzwida sunu, antela takukabi kusikila i . . . kuseeni. Kufumbwa mbo cibede, uya kufugama kubusena bumwi, alimwi uya kumvwa aya ngaonya Makanimabotu kaakambaukwa kujoka nkoonya kuli nduwe.

⁴⁰⁷ Nkambo ayo myuuya niya kamana kuba mu ntolongo, yata keempwa cindi Enoki alimwi cindi boonse niba kakambauka, elyo Nowa . . . alimwi ku kukkazikamoyo wa Leza, mbuli mbocibede eno, kulindila ku cindi eco ceelede kuboola. Elyo Nowa a Enoki aboonse babo bakakambauka, abaabo bantu baka baseka a kuba fubaazya. Elyo ba kali mu ng'anda ya ntolongo, alimwi Jesu wakainka akuyo kambaukila buntu obo bwakali mu ntolongo. Wa kapa bumboni! I majulu akapa bumboni, “Wa kali obo!” I nyika yakapa bumboni, “Wa kali obo!” Gehena yakapa bumboni, “Wa kali obo!”

⁴⁰⁸ I Bbaibbele lya kati ca . . . Davida, myaka minji yakainda, mu Ntembauzyo . . . Yaa, Mukwesu, bala Ntembausyo, ikuti na uyo cita awo. Ntembauzyo 16:10: [Mukwesu Neville wabala, “Nkambo toka siyi buntu bwangu mu gehena; nanka kuti toka siyi Umwi wangu Uusalala kubona kubola.”—Mul.]

⁴⁰⁹ Bala cintu nciconya, mukwesu, mukati awo Petro mpa kakambauka; mu Incito, chipati ca 2, kampambo ka 27: [Mukwesu Stricker wabala, “Nkaambo toka siyi buntu bwangu mu gehena, nanka kuti toka lekeli Umwi wako Uusalala kubona kubola.”—Mul.]

⁴¹⁰ Bala tumpango tobilo atala ali nkako, mukwesu, aboobo inga wajana ciiyo—ciiyo kuzwa kuli ncico: [Mukwesu Stricker wabala, “Nkambo Davida wa kaamba kujatikizya Nguwe, Nda kabona Mwami—Mwami kumbele kuti lyoonse uli ku busyu bwangu, nkambo uli ku janza lyalulyo, kutegwa Nta zungaanisigwi. Nkikaako moyo wangu waka sekelela, a lulimi lwangu lwa kakkomana; alimwi akwalo mubili wangu uyo

lyookezya mu bulangizi. Nkaambo toka siyi buntu bwangu mu gehena, nanka kuti toka lekeli Umwi wako Uusalala kubona kubola.”—Mul.]

411 Bala kampango katobela lino: [Mukwesu Stricker wabala, “Uyo ndiyubunwida nzila zya buumi; uyo ndibamba kuzula lutangalo a buboneki bwako.”—Mul.]

412 Iyi, amubone. Lino, mweenzuma Kamboni wa Jehova, Ndi yanda ku kubuzya makani aceeco. Wabona? Ikuti na gehena mbusena... Mazikkilo, Kabanda, kufumbwa mbo yanda ku ciita; ikuti na eco cimanina ku cuumbwe, mpawo nkaambonzi Nca kati, “Nse kasiyi buntu Bwangu mu gehena, nanka kuti Nse kasiyi Umwi Wako Uusalala kubona kubola”? Ino kujatikizya ceeco? Mwabona?

413 Ngooyu wakali mubili Wakwe, mu cuumbwe; alimwi buntu Bwakwe bwakali mu gehena, kakambauka, kapon! Ino kujatikizya ceeco? Wa kali mu theofani Yakwe alubo. Buntu Bwakwe bwaka selemukila okuya a bantu abo bakali mu theofani abalo. Elyo wakali kupa bumbooni kuli mbabo, abo bata “keempwa mu kukkazikamoyo.”

414 Wa . . . Mu majwi amwi, Wa kali kukonkomona aa mulyango. Elyo cindi mulyango niwa vuumuka kujuka, nkabela boonse obo buntu bwa keempwa, Wa kati, “Ndili Lunyungu lwa mwanakazi. Ndili Umwi oyo Enoki awa . . .” Okuya mu Paradaiso, busena bumbi. Muta asweekelwi masena otatwe, lino: busena bwa babi, busena bwa balulami, a gehena lwayo. Mwabona?

415 Mbuli buyo triniti yaku Julu, mbuli: Taata, Mwana, a Muuya Uusalala. Mbuli triniti ya munyama: musinsimi mubeji, munyama, alimwi i—alimwi caando ca munyama. Elyo zyonse ezyo, amuyeeye, zyonse zili mu triniti. Triniti ipanga omwe, ulondokede. Omwe ulondokede. Wa kalondolwa, omwe mu batatu: buntu, mubili, a muuya; maanzi, bulowa, a nsinga. Mwabona, kufumbwa mbo bedede, weede kubweza zyoatatwe kupanga omwe ulondokede. Bweza gilazi lya makkona otatwe akulekela zuba ali ndilyo, ula jana fulicoongo ulondokede. Mwabona, zintuzyonse, weede kuti kojisi zyoatatwe kupanga omwe ulondokede.

416 Elyo lino, amuyeeye eco, cindi Na kafwa, Wa kaunka lutaanzi akuyo kambaukila buntu bwatakali mu ntolongo . . . bwakali mu ntolongo, akupa bumboni kuti Wa kali “Lunyungu lwa mwanakazi.” Wa kali “umwi Oyo Enoki ngwa kabona kaboola antoomwe a basaali Bakwe bakali zyuulu zili kkumi.” Wa kacita kupa bumboni bwa Magwalo kuti akakambaukwa aa Nowa, alimwi aa Enoki, alimwi aa balulami, kuti “Wa kali Umwi oyo.” Zintuzyonse zyaka Ci ziba!

417 Mpawo Wa kaselukila mu gehena, akutambula zijaluzyo zya lufu a gehena kuzwa kuli dyabulosi.

418 Kabweeda atala mu Paradaiso; a kuleta Abrahamu, Izaka, a Jakobo, a balulami; a kubusya (Matayo 27), nkabela bakazwa mu cuumbwe a kunjila mu munzi, akubonekela ku bantu mu kagwagwa. Aleluya! Mpaawo we!

419 Lino, pele mubili Wakwe..Kuciindi buntu Bwakwe nibwakali awa kabupa bumboni ku basweekede, ansi awa katola zijaluzyo kuzwa kuli dyabulosi, akujoka, akuleta Abrahamu a Izaka; buntu Bwakwe bawakali kkede mu i...buntu Bwakwe bwakali ansi alya kaucicita, nkabela mubili Wakwe wakali kkede mu cuumbwe. Ako nkekaambo Jesu wakati...Bantu balati, “Ee, nkaambonazi Jesu nca kati, ‘Mazuba otatwe, Njo ubusya. Mazuba otatwe Njo buka.’? Wa—Wa kafwa muli Bwasanu isikati, kabuka Munsondo kuseeni.”

420 Pele amulangilile, mwakali “*mukati* ka mazuba otatwe,” ikuti na wajana lekisikkoni. Nkambo Wa kalizi kuti Davida, kungsi lya bunanike (ku bunanike bwa Muuya Uusalala), wakati, “Nse kalekeli Umwi Wangu Uusalala kubona kubola.” Wa kalizi kuti kkwakali kjabatikizya kuli Nguwe. Wa kalizi kuti kwakali kwaamba Nguwe. Wa akali Umwi Uusalala wa Leza, alimwi Wa kalizi kuti kubola kutali kuzwa mu maora ali makumi aaciloba aabili. Amwi mukati ka mazuba otatwe, Wa kali kuya kuzwa aya alubo, nkaambo Magwalo takonzyi kutyolwa.

421 Alimwi conse cisyomezyo Omuya cijatikizya ndime a kujatikizya nduwe, nci cesu!

422 Wa kati, “Amu nyonyoone oyu mubili, nkabela Njo ubusya mu mazuba otatwe.” Nkambo Wa kati, “Nse kasiyi buntu Bwangu mu gehena, nanka kuti Nka lekele Umwi Wangu Uusalala kubona kubola.”

423 Wa kalizi, mu mazuba otatwe kuti mubili wakali kuyo zwa omuya. Ta kakkala kwa mazuba otatwe azwide. Peepe, munene, Ta kacita nconzyo. Wa kakkala buyo kuzwa muli Bwasanu isikati kusikila Munsondo kuseeni, taakwe seeleo lyomwe lya mubili oyo lyaka konzya kubola.

424 Elyo Wa kafwa, kucitwa imbaumu, alimwi wakali lede...na kuvungailwa mu cisila, a kulala mu kabanda. Mu cisi eco, cipya amudumo, utola buyo maora nkabela Uta lika kubola. Yebo unka mu kuba-...kuubauka, nywebo mulizi, mubili wakwe, mpemo yakwe kai bobela a zintu, kubola kwatalikizya; eco cisi, cipya amudumo. Elyo ni wakatalika kubola, nkaambo wakali mubili. Pele Wa kalizi, seelo elyo kalitana kubola, kuti Leza wa kaamba kwindi muli Davida musinsimi, “Nse kasiyi Umwi Wangu Uusalala ku bona kubola.”

425 Obo Mbwa kabweza Ijwi lya Leza a kupona kuli Ndilyo! Lino, acimwi cisyomezyo omuya cakali kujatikizya Nguwe, Leza waka cizulizya cimwi acimwi cazyo. Elyo acimwi cisyomezyo cijatikizya musyomi, Leza uyo cizulizya acimwi cisyomesyo

Caco. Ameni. Amuyaame buyo cakasimpe kuti Calo nca Bwini. Ameni. Aboobo, buntu Bwakwe. . .

Sena uyeeya kuti ngu. . . Peepe, Nda usa. Awo Muuya wa Jesu mpowa kabede mu mazuba otatwe mubili Wakwe wakali mu kabanda?

426 Muuya Wakwe wakali mu gehena, kuni kwa zilao zyaansi; nkabela Wa kabuka. Elyo inga Nda yungizya kaambo kaniini—kaniini kanga kamugwasya kapati. Cindi na kabuka, Wakwe. . . Cindi Na kabuka kuzwa ku bafu, Ta kalina manizya nconzyo mulimo wa lununuko. Mbo mbubo. Wa kacita kusazya cintu conse. I muulo wakabbadelwa, pele oko kuyoosya kwa gehena, oko kuyoosya kwa cuumbwe. . . Elyo awa, cindi Na—cindi Na kafwa, Wa kazumanana ncobeni. Ta kaleka kubeleka cindi Na kafwa, Wa kazumanana kukambauka! . . .? . . . Mundi jatile kucitaula kwangu kuta tambuliki, Nda yeeyela, pele Ta kaleka pe!

427 To kafwi pe! Mubili wako inga wapumuna kwa kaindi, pele Leza aya kuubusya, Wa kasyomezya kuti Uyo cita. Pele tokonzyi buya kuloba mbuli Leza mbwa takonzyi kuloba. Mbo mbubo. Amulange, Wakwe. . . elyo Na kamana kufwa, ku nzi. . . bafu kuli basikwiiya. Wa koono, ino Wa kalinzi. Baka Mo oneka; mbuli Mbwa kaamba kujatikizya Lazaro, “Nda inka kuyo musinsimuna.” Leza wakacita ku Mu sinsimuna.

428 Amulange, Wa kainka ansi eni, Wa kazumanana kukambauka. Alimwi Wa kakambauka ku buntu awa mu ntolongo. Kainka moonya mu gehena, kabweza zizaluzyo kuzwa kuli dysbulosi. Kajoka ncobeni a kukambauka alubo mu Paradaiso, akubuka kujokela ku buzuba bwatatu. Kaswaya baapostolo Bakwe kwa mazuba ali makumi one, alimwi kumamanino aa buzuba bwabufote, Wa kazumana ncobeni kuya kujulu; nkaambo, zintuzyonse zyapegwa kuli ndiswe, malweza a zintuzyonse zimbi. . . Wa kanyonyoona malweza onse, kuzumbauzya konse, a kubamba mundando wa mipailo kuzwa ansi kuya ku Bulemu mu kutanta Kwakwe. Wakatanta a kukkala ku janza lyalulyo Oyo Mupati. Sikuzunda! I Muzundi Mupati, nincobeni. Lufu tilwa kakonzya ku Mu jatilila! Gehena tiiya kakonzya ku Mu jatilila! Nyika tiiya kakonzya ku Mu jatilila!

429 Cindi Na kali ano anyika, Wa kapegwa i. . . Wa kaunka ku munzi waansi maningi ku bantu baansi maningi, akupegwa zina lyaansi maningi. Eco ncico muntu ncaka Mu citila. Wa kainka ku Jeriko, munzi waansi maningi. I muntu muniini maningi wakatanta mu samu kuti a Mu langile ansi. Nkooko muntu nkwa Mu bikka. Wa kali sikusanzya matende, incito yaansi maningi ya kali kukonzeka kupegwa. Wa kaba waansi maningi. Elyo Wa kaitwa zina lyaansi maningi lyakali kukonzya kupegwa, *Bezebule*, “siwami bwa madaimona.” Muntu waka Mu pa zina

lyaansi maningi, busena bwaansi maningi, aku Mu tumina ku zilao zyaansi maningi lya gehena yaansi maningi.

⁴³⁰ Leza waka Mu busya aku Mu tumina ku Majulu Atala maningi, a Zina lilataala maningi ku mazina onse. Aleluya! Baa, Na kalangila atala, kubona Julu. Cuuno Cako cili sumpwidwe atala lya majulu aa Julu. Elyo Zina pati maningi lyakasola kuulikwa ku Julu amu nyika lyeelede kuba . . . lilaangidwe kuli Nguwe. Eco nce cintu Leza naka Mu citila. Muntu waka Mu bikka aansu maningi, alimwi Leza waka Mu bamba kuba Aatala maningi. Ngooyo Mbwa kabede, kuzwa ansi maningi kusika, Aatala maningi.

⁴³¹ Wa kaba waansi maningi kutegwa Ka konzya kutuleta Aatala maningi. Wa kaba ndiswe, kutegwa swebo kwinda mu luzyalo Lwakwe tube Nguwe, bana ba Leza. Oko Nkwa kaunka. Ameni! Lelekwe Zina Lyakwe. Wa kabamba nzila kutegwa tuka boole, aswebo, buzubabumwi, “Nkaambo Nda pona, mulapona anywebo.”

⁴³² Oh ta cigambyi . . . Cindi muntu ajata cilengaano, takukwe muntu ukonzya ku cipandulula. Ba kasola nokuba ku cipandulula, kaba sweekelwa mizeezo yabo; olu lwiimbo lupati: “Oh lyandisyo lwa Leza, mbolu njoloma a kuvuba; Mbo lusakane alutapimiki.” Ako kampango kamananino . . . na Ndila syoma kampango kataanzi, nko kuti: “Ikuti na lwizi lwa kazwide inki, Elyo milengalenga yaka bambwa kuba zilembelo; . . .” Mulizi na eco nko caka janwa? Kalembelwa muli basondokede . . . bwaanda mu kabunga ka basondokede. Taakwe muntu ukonzya kusola kupandulula olo Luyandisyo lwa Leza. Oh, ta cikonzyi kwaambwa, eco Nca ka tucitila. Ma, mbobuti mbo konzya kuba a bweelelo alya? Nduzyalo Lwakwe, kuzwa kumatalikilo kusika ku mamanino. Nda kali sweekede, kunyonyooka, akutakwe bugwasye, uutakwe bubotu, taakwe kujatikizya ncico, alimwi Walo ku luzyalo Lwakwe wakasika akutu futula. Oh, ma. Obo Bwakwe. . . Oyo Mwami wangu. Olo nduyandisyo Lwakwe, obo mbubotu Bwakwe.

⁴³³ Lino tu jisi maminiti atandila ku ciloba a kutandila mibuzuyo ili kkumi ayosanwe alimwi . . .

62. Sa uyeeya kuti cili luleme ku banakazi kucita ncito zyabo anze lya mbungano?

⁴³⁴ Iiyi. Oyo mubuzuyo buyo, buyo ii . . . kutali mubuzuyo wamaleme, pele . . . Nincobeni, Nda cita. Iiyi, munene, tuli babelesi boonse antoomwe. Banakazi bali jisi masena abo, elyi nicobeni bala cita. Iiyi, munene. Kamucita buyo zyonse ncito zyanu nzo mukonzya, nkabela Leza uyo mulongezya nkambo ka nzizyo.

Yaa, lino atu bone:

63. Akaka pandulula triniti. Mbobuti Mwana mbwa konzya kukkala ku janza lyalulyo lwa Taata, kakombelezeyya i . . . kuli Taata, ikuti na tabali bantu bobilo?

⁴³⁵ Ee, mweenzuma oyandwa, eco i . . .eco—eco nciyubunuzyo. Ikuti na Jesu wakati, “Mebo a Taata Wangu tuli Bomwe,” mpawo mbobuti mbo bakonzya kuba bobilo? Mwabona? Lino, tabali bobilo.

⁴³⁶ Ii mwanakazi lumwi waka ndaambila, elyo Nda kali kupandulula eco, kati, “Yebo a mukaintu wako muli—muli bobilo, nekubaboobo muli bomwe.”

⁴³⁷ Nda kati, “Pele, Leza a Mwana bali bumbi kuzwa kuli obo, wabona.” Nda kati, “Uli ndibwene na?”

“Iyi.”

“Sa uli mubwene mukaintu wangu?”

“Peepe.”

⁴³⁸ Nda kati, “Mpawo, Taata a Mwana balandene; Jesu wakati, ‘Cindi wa Ndi bona, wamubona Taata.’” Wabona?

⁴³⁹ I Taata a Mwana . . . I Taata wakali Jehova Singuzuyonse (Leza) kakkala mu cilao citegwa Jesu Kristo, oyo wakali Mwana wa Leza unanikidwe. Jesu wakali Muntu, Leza ngo Muuya. Elyo taakwe muntu wakabona Leza ku ciindi cil conse, pele simuzyalwa alikke *wa* Taata waka Mu lungulula. Wa kali . . . Wa . . .Bupange Bwakwe, bulenge Bwakwe, Buleza bwakwe, kufumbwa Mwa kabede, Wa kali Leza! Ta kalezya na kwindilila ku kuba Leza. Nekubaboobo Wa kali Muntu. Wa kali Muntu, ng’anda eyo Leza mwakali kukkalila. Mbo mbubo, Wa kali busena bwa kukkali Leza.

⁴⁴⁰ Lino, ikuti na uyanda Magwalo ali ceeco . . .Mukwesu Neville, walombwa undi janine Musalali Marko 14:62. Elyo Mucizi Wood, ndi janine Bafeso 1:20. Muntuumwi umbi uli jisi Bbaibbele na? Ee, tambika janza lyako. Mucizi Arnold, uli jisi lyomwe kusule okuya? Yaa, ndi janine Incito 7:55. Yaa. Marko 14:62, Mukwesu Neville; a Mucizi Wood ngwa Baefeso 1:20; Incito 7:55, Mucizi Arnold.

⁴⁴¹ Yaa, sena ulii jisi, Mukwesu Neville? Yaa, bala lino: [Mukwesu Neville wabala, “Elyo Jesu wakati, Ndimbe: nkabela muyo bona Mwana wa muntu kakkede ku janza lyalulyo lya nguzu, alimwi kaboola mu makumbi aku julu.”—Mul.]

⁴⁴² Yaa, lino, langilila bwaambe butaanzi alya. Jesu wakati, “NDIME.”

⁴⁴³ “NDIME.” Nguni wakali NDIME? Tii kwakali naba muntu mu inyika yoonse wakali kukonzya ku Li pandulula. Nokuba i . . .nywebo nomubala lekisikkoni amwi ambi, taku nabede muntu mu inyika wakali kukonzya kulimvwisya . . . Ngu J-v-h-u. Elyo nobaba basicikolo bapati Bahebrayo tiiba kakonzya ku Lya

amba. Eco citeo ciyaka okuya, obo buzuba cindi Na kaswaana Musa, Lya kali J-v-h-u. Aboobo bakali Lya amba kuti “J-o-h, Jehova,” pele Talili “Jehova.” J-v-h-u, mwabona, taakwe uuzyi.

444 Elyo nywebo mwati, “Ee, Musa takakonzya ku Li mvwisya.”

445 Wa kati, “Nguni Ngwe konzya kwaamba?”

446 Wa kati, “Kateeti, ‘NDIME’ wa kutuma. NDIME.”

447 Lino amulangilile. *NDIME* ndibbala lyaamba calino, kutali kuti “Nda kaliko” na “Njo bako,” NDIME. Lino, Wa kati, “Eci ciyooba ciibaluso mu nzyalani zyonse: NDIME.”

448 Lino amulange Jesu kaimvwi awa ku pobwe lya buzuba obo. Ba kati, “Tu lizi kuti ulinyongene.” Mabala aluleme, “Uli musondosi” (*musondosi* caamba “uunyogene”). “Tu lizi kuti ulinyongene. Uli Musamaria, ujisi daimona.” (Musalali Johane, chipati ca 6) Elyo wa kati, “Lino, waamba kuti uli . . . wakabona Abrahamu, kakuli uli muntu uutaindi ku myaka ili makumi osanwe yakukomena?” (Kwayanda wakalibonya kucembaala aniini ku musela Wakwe, pele Wa kali biyo makumi otatwe, pele mulimo Wakwe.) Kati, “Wa amba kuti uli muntu utaindi ku myaka yakukomena ili makumi osanwe, nkabela waamba kuti ‘wakabona Abrahamu’? Tu lizi kuti ulinyongene lino.” Wabona?

Wa kati, “Katanakuba Abrahamu, NDIME.”

449 “NDIME,” Wa kali NDIME mupati. Mpaawa Wa ambila aba ba Juda alubo, mwabona, “NDIME! Elyo cindi mwaaku Ndi bone ku janza lyalulyo ilya nguzu, . . .” Sa mbo mbubo?

450 Bala aako alubo, mukwesu: [Mukwesu Neville wabala, “Cindi mwaa kubona Mwana wa muntu kakkede ku janza lyalulyo lya nguzu, a kuboola mu makumbi aku julu.”—Mul.]

451 Bala ikako lino, Mucizi Wood: [Mucizi Wood wati, Baefeso 1:20?—Mul.] Iiyi, baama. [Mucizi Wood wabala, “Eco nca kabeleka muli Kristo, cindi na kamubusya kuzwa ku bafu, aku mukkazika ku janza lyakwe lini lyalulyo mu masena Aakujulu.”—Muli.]

452 Yaa, bala ako, mucizi. Mwabona, Cili mbubonya buyo: [Mucizi Arnold wabala, “Pele walo, mukuzulwa Muuya Uusalala, waka lungumana cakutonkomana ku julu, a kubona bulemu bwa Leza, a Jesu kaimvwi ku janza lyalulyo lya Leza.”—Mul.]

453 Lino, nywebo mwabona, Je- . . . Leza takakonzya kuba a janza lyalulyo pati, mwabona, elyo Jesu kaimvwa aa janza Lyakwe lyalulyo. I *janza lyalulyo* lyaamba “bwami.” Mwabona? Ku mukozyanyo buyo, ino kuti—kuti Nda kajisi koongelezya kuzwide ku mbungano, na Nda kali bbishopo wa musyobo umwi, alimwi Mukwesu Neville wakabweza busena bwangu, inga kali ku janza lyangu lyalulyo. Mwabona, eco caamba kuti uli . . . inga kali ku janza lyangu lyalulyo.

454 Lino, Jesu uli ku janza lyalulyo lwa Nguzu. Lino, Ula amba obo, awa mu Baefeso, cindi na cipandulula, Uli ku janza lyalulyo lwa Nguzu. “Zyonse inguzu ku Majulu amu nyika” (Wa kati, kwiinde bubuke Bwakwe) “zyapegwa mu maanza Aangu. Ndi jisi nguzu zyonse ku Majulu amu nyika. Nkikaako kamuya muka yiisye masi onse, kuba bbizya mu Zina lya Taata, a Mwana, Muuya Uusalala, kuba yiisya kubamba zintu zyonse Nze kamulailila; mubone, Ndili anywebo lyoonse, kusikila kumamanino aa inyika.”

455 “Zyonse nguzu ku Majulu amu nyika.” Nko kuli oko... Ikuti na kuli kaleza kujulu okuya kunze Lyakwe, nkokuti takwe nguzu. Mwabona, taku konzyi kuba Leza umbi. “Zyonse inguzu ku Majulu amu nyika” zili mu janza Lyakwe. Aboobo, nywebo mwabona, “Uli imvwi aa janza lyalulyo,” (mbuli muntu wabuzya mubuzyo), ta caambi. . .

456 Lino amulange! I mubili...Leza walo Muuya. Inzya, mbangaye bamvwisya boobo? bambe, “Ameni.” Leza walo Muuya, Jesu walo Muntu, alimwi Jesu wakali Leza wakaba mubuntu. Jesu wakali...Ni twa takakonzya kubona Leza, mwabona, Walo Muuya. Tamu konzyi kubona muuya. “Taakwe muntu wakabona Leza ku ciindi cili conse.” Taakwe muntu waka konzya kubona Leza.

457 Elyo andaambe ceeci, “Ta muna ndibona pe.” Ta muna ndibona mu buumi bwangu boonse, alimwi tamu kandi boni pe. Mbo mbubo. Mubona oyu mubili ulungulula muntu oyu, uli omu. Lino oyu mubili tau jisi Buumi Butamani, pele muuya ngu jisi Buumu Butamani. Oyu mubili uyo bweeda, pele uyo yutuka alubo mu cinkozya cawo, mbuli buyo nseke ya whiiti mbo injila mu bulongo. Bunakristo buyakidwe aa bubuke, kutali kusintanya. Bubuke; nguwenya Jesu wakainka ansi, nguwenya Jesu uyo bweeda. Ikuti na wainka ansi koli wamasusu asubila, uya kubweeda kojisi masusu asubila; ikuti na wainka ansi kojisi masusu aasiya kumutwe, uyo yutuka kojisi masusu aasiya kumutwe. Mwabona, mbwalo mbubuke.

458 Cindi wainka kuyolya. . .Nda kabuzya dokotela eco, kutali ciindi cilamfu cainda, Nda kati, “Nkaambonzi kuti cindi Ne kali myaka ili kkumi acisambomwe yakukomena. . . Ciindi conse Nda lya, Ndi bukulusya buumi bwangu?”

459 Kati, “Mbo mbubo.”

460 Yebo unjizya maseelo mapya—mapya ciindi conse wabamba. . .i—i mubili ubamba. . .na cakulya cipanga maseelo aabulowa, akuti seelo lya bulowa likubamba kuyuma kapati. Eyo nje nzila mbo pona. Mpawo, cintucimwi ceelede kufwa ciindi conse, nkambo ka nduwe kutegwa upone. Buzuba abumwi, cintucimwi cilafwa: ikuti na walya nyama, ng’ombe yakafwa; na kufumbwa ncolya; alimwi inswi yakafwa; na i—na whiiti yakafwa, ku kujika cinkwa; magwili akafwa, ayo

akabamba magwili; alimwi i . . . ciimo conse ca buumi; ukonzya buyo kupona kwiinda ku zintu zyakafwa.

⁴⁶¹ Alimwi ukonzya biyo kupona Cabutamani nkaambo cintucimwi cakafwa: Jesu. Kutali kaambo kakuti wa kasangana mbungano, kutali kaambo kakuti waka bbizigwa, kutali kuti wakalibanda Bunakristo; nkaambo waka zumina Buumi bwa Jesu Kristo oyo wakasweka malowa . . . Bulowa waka tililwa nduwe, alimwi waka Mu zumina mbuli Mufutuli wako wacigaminina.

⁴⁶² Lino, amubone, Nda buzya ceeci. Ndi yanda *ku* mubuzya ceeci. Amulange ceeci, ncibotu. Ndiza Nda ka ciyiisya kale (Ta ndizi) awa; kukambauka koonse, ula luba eco nco kaamba cimwi . . . masena amwi. Pele, baa cili, mpawo . . .

⁴⁶³ Lino, Ndi yeeyela kuti, Mucizi Smith . . . Ta ndizi naa Ndili muzi Mukwesu Fleeman uli kusule kapati nape. Elyo Tryphena, Ndila muyeeya cindi nakali musimbi muniini. Ula ndiyeeya, cindi ni Nda kali ku . . . kali muniini, mufwaafwi, wamubili; masusu, aavungene aasiya. Nda kali kusobana nyindi. Oh, Nda kali kuyeeya kuti Nda kali muntu mubotu ukwelelelzya mu inyika. “Oh,” Nda kayeeya kuti “kwiina umwi unga wanduuma. Peepe, munene.” Pele Nda—Nda kalyeena ali ceeco, nywebo mwabona. Pele Nda . . . Lino, Nda kayeeya buyo, “Oh, ma.” Nda kayeeya, “Ikuti na wakonzya kubikka eci cintu kusule lyangu, ni Nda kaselemuka kagwagwa ancico.” Masimpe, taakwe cintu cindipenzya. Elyo ciindi conse ni Nda kalya, Nda kakomena maningi a kuyuma maningi ciindi conse. Ciindi conse Nda kali kusama buumi bupya mu . . . Nda kali kulya kkabicc, magwili, a bunyangu, a nyama mbubonya mbuli Mbwe cita sunu. Elyo Nda kaba muyumu a mupati maningi ciindi conse. Elyo cindi Ne katandila kuba makumi obilo ayosanwe . . .

⁴⁶⁴ Ndila lya kabotu lino kwiinda Mbwe kacita kaindi, nyoonse muli ndizi, kuziba eco. Nda konzya kulya kabotu, toonse tula cita obo. Pele nkaambonzi cili, Mukwesu Eagen, mpawo, ikuti na Ndi cilya zyakulya zibotu, kunji kwazyo, mavitamani mabotu a zintuzyonse . . . Elyo Mbwe indila kulya, Ndila sutana bucebuce. Elyo lino Ndi boola kuba muntu udiimene makuko, syalubala, akuba amvwi, amanza kasutana lukanda, busyu kabuungumana, makuko kandiimana, kuseeni nciyumu kubuka, alimwi . . . Oh, ma. Nkaambonzi cili obo? Ikuti na Ndi bukulusya buumi bwangu ciindi conse Nda noolya, nkaambo cili obo mpawo?

⁴⁶⁵ Ikuti na Ndi tila maanzi kuzwa mu cijaa kuya mu nkomeki ya gilazi, nkabela ya kkwana cisela, elyo mpawo kutalika kuyaansi ciindi conse mubusena bwa kutanta; alimwi Mbwe indila kutila, cakufwambaala yaansi. Mpaawo we. Elyo tokonzyi kucitondezya munzila yasayaansi ikuti wa keelede kucita. Eli

nde Bbuku lya cintu cilikke lya kutondezya kuti Leza wakasalila; calo ncipangano, Leza wakatubona katuboola.

466 Noba madaala, anoba macembele, ndiza bamwi baluumi banu—banu a bamakaintu banu ndiza bakafwa. Eco ta—eco ta cinyonganyi cili conse. Aleluya. Ba kazabuka buyo cisitilizyo kutala, kabalindila; nincobeni. Alimwi basukamina kuba a ndinywe alubo. Mbo mbubo, nconzyo, baka cita. Ba sukamina kuba antoomwe alubo. I Bbaibbele lyakati bala cita, myuuya kungsi lya cipaililo kayoompolola, “Mwami, ciindi cilamfu buti?” Mwabona? Ta bali mu ziimo zyabo ziluzi.

467 Leza taka tubamba kuba Baangelo, waka tubamba kuba baalumi a banakazi. Tuya kuba baalumi a banakazi lyoonse, nkaambo tuli ii—ii zipange zya bupampu bwa Leza. Tula konzya kuba baalumi a banakazi lyoonse.

468 Pele ncinzi cicicita? Mwabona, ndiza uyeeya eco cindi waselemuka ku cipaililo, yebo a mulumi, kaamba kuti tula bwezana kuba mukaintu uukwetwe camulao a kupona antomwe mu ciimo cisalala ca lukwatano olu, elyo i—i luzyalo lwa Leza azimwi, alimwi boonse bulunguluzi bwanu mbo mupa, nkabela cisyomezyo cisininizye cabambwa. Cintu citaanzi mulizi, mutalika kubona, nyobilo lwanu. Wa kali tonkomene, a masusu abalama; a baama a meso abo, asalaluka maniini mabotu, na meso abbulu, na kufumbwa kubwa kabede. Oh, obo mbo mwa kamulanga. Wa keenda kuzwa, wa kalanga taata, “Lino, koolola makuko kuti ajokele”; elyo kwiinde kaindi batalika kudiimana. Baama baya kuba amvwi kumutwe, coondamazwi kutalika a zimwi. Elyo kwiinde kaindi, waa kaunka, na ngooyo wa kaunka.

469 Cakali cinzi? Cindi Leza nakakubona koimvwi alya, Wa kati, “Nce ncico, eyo ni nzila Nje kuyanda.” Yaa, lufu, ko boola, pele to konzya kubatola kusikila Nda kulekela.

470 Oh, oh, Nda yeeya Jobu. Iiyi, Leza wakali kulangila ansi, Jobu wakalizi kuti Leza wakali kumuyanda. (Elyo amubone ta konzyi ku kutola.) Wa kati, “Uli mujisi mu maanza ako, pele uta mujayi.”

471 Elyo mpawo cintu citaanzi mulizi, makuko atalika kuyaansi, alimwi kwiinde kaindi wa kafwa. Ncinzi eco cakacitika?

472 Lino, mu bubuke takukabi cintu comwe eco cikonyanya ku lufu. Taku konzyi kuba cintu comwe cikonyanya ku nyika eyi, ca ceeco. . . Mwabona, wakali kuboola kwinda ku luyando lwa Leza, wakali jisi buumi. Mpawo lufu lwakatalika, ku kutola aansii. Kulya zyakulya a zintuzyonse, kunywa musyobo nguonya wa maanzi, zintuzyonse; pele lufu lulatalika. Pele cifwanikiso citalikide kale kuba. Aleluya. Mu bubuke muya kuba a buumi alubo. Alimwi takukabi lufu, na kubula cinkonzya ca lufu, na musela wakukomena, na basunkuta na cili conse. Batafwiki, baya kwiimikila mu kuboneka Kwakwe, kalondoka kwalyonse.

Aleluya. Oh, Ndi. . . Eco inga cabamba uli onse koongolola, kapati cindi wasika ku musela wangu.

⁴⁷³ Musela wangu, Nda yeeyela, cindi wa, amuyeeye, kwiinda lyoonse. Muli buyo aciindi cakucinca ku musyobo, nywebo mwabona. I. . . Mwa talika kulibuzya, “Ino ncinzi coonse? Ncinzi Nce kacita?” Nda cebukila ansi awa, Nda yeeya, “Ma, bubotu; ee, ino waunka kuli, Mwami? Mpaawa Mpendi, amyaka ili makumi one alusele yakukomena. Myaka yobilo imbi, Njo oba wa cisela camwaanda. Fyuu. Ndili biyo. . .”

⁴⁷⁴ Amulange buyo bantu basyoonto Mbe kawina. Ndi yanda kuwina bali mamiloni a mamiloni ambi. Leza, ndigwasye. Ndi usa nsoni nokuba kuli lwangu kuboala ku muunzi ku kupumuna. Kuyeeya, “Oh, butebuzi bwabizwa, nkabela batebuzi mbace. Mamilioni mu zibi a mause bali mukufwa abuzuba, swiilila ku kwiita kwabo.” Nda inka kuyo lala masiku akubamvwa bahedeni baniini bacete kaboompolola kutala mu nyika. Obo mbo baboola ku zyuulu, kaba ndikwela, alimwi—alimwi kwiimikila okuya ku buwa lya ndeke oko nkoba kacita kubaa basimpi okuya kuba tantamuna, ku kumvwa buyo kaano ka Jesu Kristo.

⁴⁷⁵ Elyo mpaawa inga twa kombelela, a kuzibya mu mitende a zintuzyonse zimbi, a kujana masena mabotu loko ambabo kukkalikila, kusangabalisa kubotu kapati akwiimba kubotu, bala boala a “Ooooh, ee, Ndi yeeyela kuti eco cili kabotu, ta cizulilwi ku lusyomo lwangu nekuba.”

⁴⁷⁶ Oh, ma, ino—ino—ino inga catola ciindi cilamfu buti? Ta ci. . . ta ci luzi. Elyo mpaawa tula yokolola kuzwa ku myaanda ya mabbilioni aamataani a zyakulya mu zingungulu, alimwi balo bantu aba bala citambula cakukkomana. Elyo balo nzilenge zya nyika mbubonya mbuli ndiswe. Ma, swebo. . . Ee, eco tacikonzyi kubeleka obo kwa ciindi cilamfu kapati.

⁴⁷⁷ Yaa, lino, Nguni Taata? I Taata a Mwana bali Bomwe. Amulangilile, muli Johane Mutaanzi 5:7, Lya kati, “Kuli botatwe bapa bulunguluzi ku Julu, Taata, Ijwi (uuli Mwana). . . Taata, Mwana, a Muuya Uusalala: aba botatwe bali Bomwe.”

⁴⁷⁸ “Kuli zyotatwe zipa bulunguluzi mu nyika, alo maanzi, bulowa, a Muuya.” Ezyo nzintu zyotatwe zya kazwa ku mubili wa Kristo. Ba kayasa lubazu Lwakwe: maanzi akazwa, Bulowa bwakazwa, “Mu maanza Aako Nda pa Muuya Wangu.” Mpaawo we, ezyo nzintu zyotatwe. Ezi zyotatwe tazili comwe, pele zila *zuminana* muli comwe.

⁴⁷⁹ Taata, Mwana, a Muuya Uusalala; Johane Mutaanzi 5:7, lilati, “Ezi zyotatwe *zili* Comwe.”

⁴⁸⁰ “Maanzi, bulowa, a Muuya zila *zuminana* muli comwe.” Kutali kuba Comwe, pele zila *zuminana* muli comwe. Aboobo Taata. . . Elyo cintu cilikke eco mubili nco ukonzya kucita, cindi Leza nakonzya kulibona Mwini, kuti kwinda mu cisubulo

oyu mubili mowa kainda, kuli kwaabaula . . . kulesya mpoonya awo, nywebo mwabona. Mpaawo cindi Na bona obo Bulowa kabwiimvwi akati ka Nguwe a lubeta. Ndeeli Ijwi Lyakwe, kati, “I buzuba wakulya kuli nguwo, obo buzuba uya kufwa.” Elyo awa Jesu wakati, “Ndi . . . Pele Nda katola busena bwabo. Mwabona, Nda katola busena bwabo.”

⁴⁸¹ Sa mula kayeeya kaano kangu ka busiku bumwi oko Nkwe kabona cilengaano ca mwanakazi mubi kapati wakali mu kaanda okuya? Elyo Nda kali kumupa mulandu, kati, “Leza, nkaambonzi tobu nyonyooni buyo busena?” Mpawo Wa *kandi* tondezya, mwabona. Elyo Nda keenda kuli nguwe aku mwaambila eco caka citika.

Lino, oyu mubuzyo wangu wamamanino.

64. Sena uyeeya kuti, kweendelana ku magwalo, kuteeti ba Juda bayo . . . bayo zumina Kristo kakutanaba buyo Kukwempwa kwa Mbungano?

⁴⁸² Ndila—Ndila—Ndila syoma ncobeni kuti Kukwempwa kwa Mbungano . . . Oyu muzeezo wangu, mwabona. Elyo ikuti ni twali jisi ciindi, ni twa utola moonse, pele cai—cai ndilila ku naini lino. Amulange, Ndi syoma kuti ba Juda bayo mutambula Kristo ku Kuboola Kwakwe kwabili. Lino amuyeeye, kutegwa muntu azibe ceeci, meso esu akoofwazigwa, na, meso abo akofwaazigwa kutegwa tu tambule kukubona kwesu. Uli onse ulizi, Magwalo ala cikanana eco. Sa mbo mbubo? Paulo ula twaambila kuti esu . . . kuti twa kali boofu . . . kuteeti ba Juda bakoofwaazigwa kutegwa tu tambule Kristo. Mwabona? Alimwi tuli samu lya olifa lya musokwe eelyo lya kasomekwa mukati kwindi kukusalwa mu samu.

⁴⁸³ Lino ngooyu muzeezo wangu, Ndila mupa buyo . . . Bala ndibuzya, “Sena uyeeya . . . ?” Lino njeeyi nzila Mbwe yeeya kuti ciya kucitika. Ta ndizi. Kufumbwa mbo cibede, Ndili masimpe kuti ku luzyalo lwa Leza a luse Lwakwe, tu yoobako; mwabona, ku luzyalo Lwakwe, kufumbwa mbo cibede. Kwayanda nse konzyi ku cimvwisya, pele mboobu Mbwe yeeya. Ndi syoma kuti tuli ku ciindi camamanino. Ndi syoma kuti bukkalo bwa Bamasi buya bumana ndyoonya lino. Ndi syoma kuti tuli ku majalilo.

⁴⁸⁴ Alimwi lino ba Juda; nzeezi zintu zyobilo zyakalubila kuba Juda: Ba kali boofu, tiiba kali kukonzya ku cibona; alimwi nkaambo kakuti Bamasi, ku cintu comwe, ziindi zinji . . .

⁴⁸⁵ Nda kaambaula kumu Juda ku Benton Harbor, Mucizi Smith, sa mulizi eco nca kaamba kuli ndime? Okuya kuli umwi wabaabo ba Israyeli abo . . . masena aa Israyeli okuya. Oyu mubuzya ujatikizya kuponesegwa kwa muntu moofu. Elyo wa kati, “To konzyi kwaabaula ba Juda mu . . . To konzyi kwaabaula Leza mu zibeela zyoatatwe aku Mupa kumu Juda; ku Mu bamba kuba Taata, Mwana, a Muuya Uusalala.” Kati, “To konzyi kucita

ceeco kumu Juda, ta tuli basimituni.” Kati, “Tula syoma muli *omwe* Leza.” Mwabona?

⁴⁸⁶ Elyo uunka kupanga Leza kuba botatwe: Leza i Taata, Leza i Mwana, a Leza i Muuya Uusalala; inga wofwaazya mu Juda ncobeni mpoonya awo, nkaambo uli zyi kabotu. Uli zyi kabotu kwiinda ceeco. Eco inga cakubamba kuba simituni ca masimpe buya mbuli mituni mboibede, ujisi tuleza totatwe. We elede kubabamba kuba Leza omwe, kutali tuleza totatwe, maofesi otatwe aa Leza nguonya. Mwabona, Leza wakabeleka mu ciimo Cataata, Wa kabelaka mu ciimo Camwana, alimwi Ula beleka lino mu bubanze bwa Muuya Uusalala. Ngu Leza nguonya.

⁴⁸⁷ Ako nkekaambo twa kalailila kubbizya mu Zina lya Taata, Mwana, Muuya Uusalala; nkaambo, kutali mu zina lya ii . . . Mu *Zina*, kutali mazina; kutali mu mazina, na mu zina lya Taata, mu zina lya Mwana, mu zina lya Muuya Uusalala; pele “mu Zina lya Taata, Mwana, a Muuya Uusalala.” Mwabona, kuziba Leza omwe mukuba Kristo. Mwabona, obo Mbwa bede, tai konzyi kuba nzila imbi. Mwabona? Elyo Lugwalo . . .

⁴⁸⁸ Elyo—elyo mpawo ikuti na ciyubunuzyo cesu taciluzi, nkokuti Petro abamwi baapostolo baka yiisya cintu citaluzi; nkaambo muntu onse mu Bbaibbele waka bbizigwa mu Zina lya Mwami Jesu Kristo. Taakwe muntu omwe wakasola kubbizigwa muli “Taata, Mwana, Muuya Uusalala,” ni njiisyo ya Katolika. Nda konzya kwi tondezya ku majwi abo beni, alimwi lekisikkoni yabo beni a zintuzyonse. Nkayanza kabuzumini bwa Katolika akutali ii—a kutali njiisyo ya Bbaibbele. Elyo taakwe muntu . . .

⁴⁸⁹ Naba Mwaami wa England waka bbizigwa mu Zina lya Jesu Kristo. Kutandila myaka ili myaanda ya cisambomwe kuzwa ku lufu lwa apostolo wamamanino, cindi niya takali kwiitwa akwako kutegwa England kaindi, yakali kutegwa “Nyika ya Baangelo.” Oko nkolya kazwida, zina. Wa kabbizigwa mu Zina lya Jesu Kristo.

⁴⁹⁰ Ninzi caka musandula, kakali kayuni ka spalo. Cindi . . . Ikuti Nda konzya kuyeeya . . . kutali Musalali Angelo. Lyakali zina nzi lyakwe, lino? Agadabus [Kusipela kutali masimpe—Mul.], Musalali Agadabus, Nda syoma mbolya kabede. Nse koba masimpe a zina elyo, lino. Pele, nekuba, wa kaunka kutala, nkabela bajisi zimwi ezi . . .

⁴⁹¹ Ba kabaita kuti baangelo nkaambo, bantu bana Assiria abamwi balali kusiya lukanda, elyo aba Bamakuwa baka jisi masusu malamfu, avungene aatuba, masusu akumitwe atubuluka, Anglo-Saxoni, nywebo mulizi, meso abbulu. Elyo ba kati, “Ba kali kulibonya mbuli Baangelo,” nkabela ba kayiita kuti “Nyika ya Baangelo.”

⁴⁹² Elyo i—i mulanda wa Mwami wakainka kutala okuya nkabela wakali kukambauka ku mwaami wabo, elyo bakali kkedede a busena bupati, bwa mulilo aanze. Nda kali kubala

makani akale ankako kutali ciindi cilamfu cainda. Elyo kayuni kaniini kakaulukila mu mumuni a kujoka, nkabela mwaami waka buzya mubuzyo, “Ino kazwida kuli alimwi kainka kuli?” Mwabona? “Ka njila mu mumuni, nkabela twa kabona, alimwi ka joka mu mudima. Sa eyo taili nzila muntu mbwaunka?” wa kaamba.

493 “Pele ino kali nzi kakatana konzya kusika omuno?” kaamba mukambausi, mwabona. Eco caka jata mwaami; elyo cifumo cakatobela, walo a beng’anda yakwe baka bbizigwa mu Zina Iya Jesu Kristo. Mbu mbubo.

494 Mpawo ninzi? I muntu mutaanzi wakasola kusansaila na kusola kubbizigwa munzila ili yonse mu zina Iya I “Taata, Mwana, Muuya Uusalala,” mwakali mu mbungano ya Katolika. I kusansailwa kutaanzi kwa kasola kucitika, kwakali mu mbungano ya Katolika. I kutilwa kutaanzi kwakasola kucitika, kwakali mu mbungano ya Katolika. I mbungano ya protestanti lyoonse yaka bbizya . . . mu Bbaibbele, baapostolo, ku kunyikizya mu Zina Iya Jesu Kristo. Kuli konse. Amu jane buyo busena bomwe awo aakali cili conse cimbi, mwabona.

495 Lino, muli ceeci, eci ciindi cipati, na ba Juda taba konzyi . . . Nda kabuzya oyo Rabi, Nda kati, “Rabi, sa inga caba ciyumu kuli nduwe kusyoma basinsimi?”

496 Wa kati, “Nda basyoma basinsimi.”

497 Nda kati, “Muli Isaya 9:6, wakali kwaamba nzi kuteeti, ‘Kuli ndiswe Mwana wazyalwa?’ Wa kali kwaamba ni?”

498 Wa kati, “Wa kali kwaamba Mesiya.”

499 Nda kati, “Mpawo Mesiya uya kuzyalwa na?”

500 “Iiyi, Uya kuzyalwa.”

501 Nda kati, “Mpawo ikuti na Uyo zyalwa, Walo ujisi ii . . . Uya kuba abanyina.”

502 “Iiyi, Uyo yandika kuba abanyina. Alimwi Uyo yandika kuba a wisi, awalo,” wa kaamba.

503 Nda kati, “Nincobeni. Elyo sa inga caba ciyumu kuli nduwe kusyoma kuti eco tacikabi . . . kuti Leza Jehova Mupati Oyo wakajula Lwizi Lusalala, ta kakonzyi kuzyala oyu Muvwanda kwinda kukuzyalwa kunjoloma?” Mwabona? Ngooyo mbwa kabede.

504 Wa kati, “Pele tokonzyi ku Mu bamba kuba tuleza totatwe.”

505 Nda kati, “Tali tuleza totatwe.” Nda kati, “Mbu swaangane nzi Mesiya mbwaya kuba abo kuli Leza?”

506 Wa kati, “Uyo oba Leza.”

507 Nda kati, “Lino wa cimvwa. Lino wa cimvwa, Ngu Leza.” Obo mbombubo.

508 Mpawo wa kasola ku ndaambila, kuti, “Ee, oyu muntu wakali mubbi, oyu Jesu waku Nazareta. Wa kali mubbi.”

509 Nda kati, “Rabi, mbobuti Mbwa kali mubbi?”

510 “Ee,” wa kati, “magwalo anu eni akaamba kuti ‘Wa kainka mu muuda wamapopwe mu buzuba bwa Sabata, a kubweza mapopwe.’”

511 Nda kati, “Lino, rabi, uli zyi kabotu loko...kujatikizya Lugwalo kwinda eccco. Lugwalo lwako lwini lwaamba kuti nkwa mulao, ‘Nkwa mulao ku muntu kuunka a kulya mapopwe mbuli mbwa yanda, pele uta bikki musaka lyakwe a kuli tola.’ Milao yanu ini, rabi.”

512 Elyo wa kaimikila alya aniini, wa—wa—wa ka cisyoma, nkaambo wa—wa kapa bumboni. Wa kati, kumane, wa kati, “Ee, ncinzi—ncinzi caka citya meso a Johane...” Kati, “Mbobuti mbo cicita?”

513 Nda kati, “Mu Zina lya Jesu Kristo.”

514 “Uh.” Ta—ta kazayi; kati, “Ee, tokonzyi kwaabaula Leza mu zibeela yotatwe.”

515 Nda kati, “Wa kali Jehova waka yubululwa mu mubili, Rabi. Wa...Obo Mbwa kabede, Wa kali Jehova mu mubili. Zina Lyakwe lini lyabuntu, elyo lyakali Zina lya lununuko, nkaambo taakwe zina limbi lipedwe kungsi a Julu muntu mwa konzya kufutukila, kwiinda biyo muli elyo Zina lya lununuko: Mwami Jesu Kristo. Mbo mbubo. Wa kali Leza, Ngu Leza, Uya kuba Leza kwalyonse, mbo mbubo ncobeni, Mwami Jesu Kristo.”

516 Lino, Ndila syoma kuti mbungano ya Bamasi cakufwambaana iyo...kuzulila kwa mubili wa mbungano ya Bamasi. I milyango akati...Jesu wakati, muli Matayo 24, (Ndila bweza Lugwalo lomwe asyoonto), Wa kati, “Bayo lyataula malambo a Jerusalemu kusikila bubanze bwa Bamasi bukamanizigwa.”

517 Lino amulangilile. Kwa kapegwa a Mwami wesu Jesu, muli Matayo 24, kuti ba Juda baya kuzwa mu kulanganisigwa. Danieli wakati, kaindi mu basinsimi bakale, wa kati ‘kuyooba mvwiki zili makumi ali ciloba zicino bikkilidwe, bama Juda. Elyo Mesiya uya kusika (Sibwami) nkabela uyo sinsima akati ka mvwiki ya buseveinte, yalo yakali myaka ili ciloba, uyo nyonyoonwa akati. Amulange obo mbo caka londokede, Jesu waka kambauka cigaminina myaka yotatwe a cisela comwe nkabela waka bambulwa. Pele kuli yotatwe...Eco cila boola nconzyo muli oyo mubuzyo umbi awa. Kuli myaka yotatwe a cisela itana kwaambilwa mbabo, kuba Juda. Yeelede kuba.

518 Lino ikuti ma muyo bweza Ciyubunuzyo, chipati ca 7, Johane wakabona ba Juda bali zyuulu zili mwaanda amakumi one abone ba kagwalwa, bali mikowa ili kkumi aibili yaba Juda. Mwabona

Nce pandulula? Nekubaboobo kucili munsi kuyo citika, kwa kuboola.

519 Lino amulange mbo cili cibotu, katutana kujala lino. Amulangilile nzila—nzila mbo cizunguluka. Lino, abo ba Juda bakofwaazigwa.

520 Lino, aba ba Juda awa, bunji bwabo awa, bali buyo... nywebo mulizi mbo babede, ba jisi buvubi bwa inyika. Elyo mbasimali buyo—buyo, alimwi nku konse nkokonzya kujana kuzwa kuli ncico, mwabona; nkabela mba sikakomokomo, a batuncimwe kapati, alimwi taba kaswiilili. Pele, abo tabali mbabo Mba kali kwaambaula, ikuti na mu kalangisyey.

521 Lino, Bamasi... Lino amulangilile, kucili myaka yotatwe a cisela yaba Juda aba. Lino, Jesu wakati munzi wa Jerusalemu kuyo lyataulwa kuli Bamasi kusikila bubanze bwa Bamasi... (Lino, nobantu nomu tasyomi mu mabanze, ino kujatikizya ceeco?)... Kusikila bubanze bwa Bamasi bukamanizigwe. Elyo cindi bubanze bwa Bamasi bwamanizigwa (ciindi ca Bamasi camana), mpawo munzi uyo josegwa kuba Juda. Elyo Jesu waka zumanana kwaamba kuti nzyalani... Kati, “Cindi mwaakuzwa anze a kubona musamu wabukuyu kaubikka delema, alimwi onse masamu ambi kaabikka delema,” kati, “mulizi kuti mainza aswena.” Kati, “Mbubonya cindi mwaa kubona zintu ezi kazicitika, muyo ziba kuti ciindi caswena, ku mulyango; nkabela Nda mwaambila ncobeni kuti eyi nzyalani tai kamani kusikila zintu ezi zikazulizigwa.”

522 Lino, baka zilangila ezyo mu nzyalani eyo, “Eco Nca kali kwaambaula.” Pee nconzoyo!

523 Amuswiilile! Wa kati, “I nzyalani eyo iya kubona musamu wabukuyu kaubikka delema.” Lino amulangilile, Wa kati, “I musamu wabukuyu, a masamu onse ambi.” Lino, mu majwi ambi, “Kuyooba lubukulusyoy lwabonse ku ciindi eco.” Lino amu cilangilile eci cisinsime, nzila mbo cibeleda mukati a kusangana kabotu cakulondoka. Lino amulangilile. “Onse masamu ambi kaabikka madelema awo, lubukulusyoy.” Ii musamu, cindi wano bikka delema lyawo, ndubukulusyoy. Sa mbo mbubo? Lino, uli onse ulizi, mwiwi wa businsimi, kuti musamu wabukuyu lyoonse bakali ba Juda. Tu lizi obo. Mba Juda. Lino i... .

524 Alimwi amulange Joeli, cindi na kaceendelezeya, wa kati, “Eco diingo ncolya kasiya, inswabaanda ciya cakalya; eco inswabaanda ncoya kasiya, cisozi cakalya; aceeco cisozi cakalya... .” Ikuti na mwalangisyey, eco ncuuka nciconya, zibeela zyandeene: diingo, inswabaanda, cisozi. Kalo nkauka komwe, zibeela buyo zyandeene zya buumi bwako. Lino amulangilile, ako kauka nkakonya kakatalika kulya musamu oyo waba Juda kaindi eelyo, kakacususya, alimwi kakatalika kulya a kulya a kulya a kulya mane kakacitola kuba cifumpu; pele mpawo wa Kati, “Njo boozeya, mbwaamba Mwami, ‘yoonse myaka diingo

njo cakalya do. Elyo Njo tangazyia bantu Bangu.” Mwabona? Lino, musamu wakaligwa kusika ansi. I Bamasi baka somekwa muli ncico, obo mbwini. Yaa, tweelede kuzyala micelo.

⁵²⁵ Lino cindi cakumamanino casika, eelyo tuya buya ansi kumamanino (ikuti na Nda cibona kabotu), Makanimabotu ngu: kweelede kuba lubukulusyo lucitika.

⁵²⁶ Lino, sena mwakalizi kuti eyo ndembela ya Cijuda ni ndembela yakaindi kwinda mu nyika? Elyo yakali kkedee kiitabeleki kwa myaka ili zyuulu zyobilo, kwinda eyo, kutandila zyuulu zyobilo amyaanda yosanwe. I ndembela ya Cijuda, nyenyeezi ya ziimbi zili cisambomwe ya Davida, taakwe niya kapepela kwa myaka ili zyuulu zyobilo amyaanda yosanwe; kuzwida kukutolwa kwa—kwa mu Babuloni. Elyo lino, nkaambo Bulelo bwaba Roma bwa kabeendelezya (elyo Mesiya wakasika nkabela baka Kai kaka), alimwi bakamwaisigwa ku myuuwo yone ya nyika. Pele sena mwakalizi, mu Kaandakanini ka busiku, 1946, eyo ndembela ya kajokela atala lya Jeusalemu? Sena mwakalizi, mu Kaandakanini wabuseveni, 1946, Angelo wa Mwami waka bonekela kuli ndime (buzuba bwakatobela) atala awa, akundi tumina ku inyika yoonse kukuyutula lubukulusyo? I kuseeni nkukonya kwakatobela! Cindi eyo ndembela niya kasumpulwa mu Jeusalemu, mbuli kubbila kwa zuba masikati ayo, Angelo wa Mwami waka bonekela awa mu United States ku ciindi nciconya. “Cindi mwaa kubona musamu wabukuyu a masumu amwi kaabikka delema!”

⁵²⁷ Mbangaye baiyeeza Nyenyeezi kailengelela anselelo awa ku Mulonga Ohio, myaka minji yainda, cindi Na kati... Nceeci cifoto ca Nguwo awa nekuba, cindi Na kaseluka. Kati, “Mulumbe wako uyo yutuka mbuli sikusololela wa Kuboola kwabili, mbubonyo mbuli Johane mbwa kayutuka kali sikusololela wa Kuboola kutaanzi.” Elyo, langa, ku nyika yonse waka fumpa lubukulusyo. Makumi azyuulu taimuzi zyuulu a zyuulu, a lubukulusyo lupati.

⁵²⁸ Boonse basitulaolao, a bamwi boonse baidene ku cisi mbocizulwa, a mabungano mapati akati, “I mazuba a Billy Sunday amana.” Pele cindi niba kabona mbungano kaitalika kubukuluka (bantu banamaleya), ba kacita kuvuna masyu abo. Charles Fuller naka bweza busena, pele wa kali cembeede kapati; aboobo bakainka a Billy Graham. Elyo Leza wakatola Billy Graham, na mbungano ya Baptisti yakacita, nkabela bonse baka mubungilila. Elyo Billy Graham tali mukambausi mukwange mbuli Mukwesu Neville mbwa tabede, aboobo kuciimo cakuba mukambausi, kutali ku...peepe, kutali obo. Pele ino ncinzi? Ba kacita kucicita, ncintu cipona, alimwi onse muntu ula cibungilila, ku bunganina. Billy waamba cintu nciconya. Mwabona, ba kacita kucicita. Alimwi caka keelede kucitwa ku kuzyulizya Ijwi lya Leza. Teeba kajisi Muuya waku bungilila, aboobo ba kabweza Ijwi lya kubungilila; aboobo ba

kacita. Elyo Billy mukambausi wa Ijwi, a mubotu loko, nkabela baka bungilila; aboobo eco cibikka basiktulengwa batontola mu mulundano wabo. Elyo Cilenge ciindakugambya, a kuponesegwa kwa Buleza, a inguzu ancito azimwi, ku maleele aa Leza, bikka ceeci. . . Mbungano, Nabwiinga wakakwempwa ujisi Mafuta mu lampi Lyakwe, ka Mu bikka mu lubukulusyoy. Mwabona? Elyo mbungano yatulengwa itontola yaka jisi lubukulusyoy lwayoy. Elyo njeeyi Israyeli kiinyona a lubukulusyoy lwayoy.

⁵²⁹ Ndi jisi filumu kutala okuya mu ng'anda yangu ndyoonya lino, *Maminiti Otatwe Kutandila Aakatikamasiku*. Elyo tuli cijisi cipekepeku cabaabo ba Juda kababoola mukati. Kababoola mukati; mwa kacibona mu *Look* magazini. Alimwi Maato, kalongeledwe, kasika kuzwa kungsi kwini mu Iran a kunselelo okuya; balo ba Juda tii bakazi kuti Jesu wakasola kuba aa nyika, ba kaunka kunselelo okuya mu kutolwa mu Babuloni. Nku koonse nko bakazi lyonse. Ba kalima. . . mwa kacibona mu *Look* magazini na *Life* azimwi, bakali kulima kubelesya zibelesyo zyakaindi zya zisamu. Elyo cindi niba kabona ezyo ndeke kazinjila, ba kayeeya, “Nce ncico,” nkaambo Leza waka baambila kuti, “inga bayooba kunselelo okuya, alimwi akuyo tolwa kujoka ku Jerusalemu aa mababa e sikwaze.” Mbo mbubo. Mbaabo we. Elyo ba Juda bakati, “Nce ncico.” Ba kataamuka mpoonya awo, nkabela tuli jisi zipekepeku a majwi abo beni, a aku babuzyabuzya; kabasika kuzwa ku inyika yoonse. Bamwi babo kaba bbede bayandwa babo bakacembaala, a balo boofu a basunkuta. Elyo bali mukuseluka kuzwa ku maato aazwa ku zibeela zyonse ziindene zya inyika, kaba boola mukati.

⁵³⁰ Elyo bakatalika kwaaka myaala mu masaka, kuzwa ansi; elyo sunu bakajana tusensa twa maanzi, cili ncisi cipati, cabulimi kapati mu inyika. I Lwizi Lufwide lujisi buvubi maningi kwindi amwi a nyika kwabikka antoomwe. Iba Juda bali mukubweeda; cili sisidwe kuzwa ku meso a Bamasi, pele bali mukufwefwema mbuli duba.

⁵³¹ Ba kati kuli mbabo—mbabo ba Juda, ba kati, “Sa mujokela kuzofwida mu nyika yakuzyalilwa.”

⁵³² Kati, “Tu jokela kuzobona Mesiya. Ino Ula ali? We elede kuba okuno.”

⁵³³ Mukwesu, cindi wabona musamu wabukuyu kaubikka ndelema lyawo, Wa kati, “I nzyalani tai kamani kusikila zyonse zikazulile.” Amulange lubukulusyoy antomwe a basitulao. Amulange lubukulusyoy antomwe a Mbungano. Amulange lubukulusyoy kalu njila abama Juda, balangila kuboola kwa Mesiya. I Mbungano, Mbungano iizwide Muuya, Nabwiinga a i. . . basimbi a mafuta mu malampi abo bayo unka ku Cilalilo ca Mucado.

⁵³⁴ Iba Juda bayooti, “Eci nceeco. Ngooyo Leza wesu ngo twa kali kulindila.” Mpaawo banu bali zyuulu zili mwaanda

amakumi one abone mpo babede...Abo bana Russeliti mpo bakanyonganina. Mbaabo ba Juda kabaimvwi alya bayo Mu tambula. Ba kati, “Ngooyo Leza wesu ngo twa kali kulindila.” Bayo Mu bona, akuti, “Nkokuli Nko kazijana? Nkokuli Nko kajana nembe mu janza Lyako?”

535 Wa kati, “Nda kazijana mu ng’anda ya beenzuma Bangu.” Mbo mbubo, “I ng’anda ya beenzuma Bangu.”

536 Ino Uyo cita nzi? I Mbungano ya Bamasi iyo tolwa mu Bulemu alimwi Namwiinga iyo kwatwa kuli Kristo.

537 Mbobuti Josefa mbwa kaliyubununa ku bantu bakwe? Wa kamwaya Namasi onse kuzwa mu busyu bwakwe. Wa kacita nconzyo. Ncinzi ciyo citika ku musyaalizi wa lunyungu lwa mwanakazi? I simwaaba wakapiila maanzi kuzwa mu mulomo wakwe kuti alwane; Jesu wakati, “baya kusowelwa mu mudima waanze, alimwi kuyooba koomoka a kulila a kuluma ntwni,” maora mapati a kupenzegwa a masukusyo ziyo boolela mbungano ya Bamasi.

538 Ncinzi ciyo citika mpawo? Cindi ciimo cakufwida lusyomo caakusika, cindi Leza akupambula zintuzyonse kuzwa kuba Juda kutala, Jesu uyo bweeda mbuli Josefa mbwa kacita. Cindi noba kamvwa Josefa, cindi na kamwaisya boonse balindizi bakwe a zintuzyonse zimbi, akubona Benjamani muniini abalo kabaimvwi alya, abalo kabeempwa nkambo kakujaya Josefa. Ba kayeeya kuti baka mujaya Josefa, nkabela mpaawa wakaliimvwi kunembo lyabo. Wa kati, “Ndime Josefa. Ndili munyoko.”

539 Mpawo bayo kankama kapati, “Ngu Josefa. Lino twa muziba.”

540 Cindi Na kati, “Ndime Jesu. Ndime Mesiya.”

541 Ba kati, “Oh, ma, lino tula tambula!”

542 Conse cakacitilwa bulemu bwa Leza. Ta cikabi Ca...Ee, bakali kukonzya kumumvwa koomoka mulaale mu palesi ya Farao, Josefa koomokela mbabo.

543 Amulindile kusikila Jesu akabone abo ba Juda Mba kauma kofwaala akutulekela to Bamasi kuba coolwe caku njila, liyooba oora, Nda mwaambila. Uya kubweza abo ba Juda, muta pengi, balo ba Juda bayo futulwa. Iyi, munene, beelede kuba okuya. Elyo ngo muzeezo wangu wa ncico, Nse konzyi kucibona ambi mu Lugwalo. We elede kuzibamba zytatwe antomwe, alubo.

544 We elede kubamba i-i musimbi woona, i-i mbungano ya kuzina buyo, ya kulyaambilila luzutu, mwabona. We elede kujana mbungano...Nkuti, ba Juda lutaanzi, ba Juda lutaanzi, oyo muntu wakofwaazigwa ncobeni kalindila ambali. We elede kujana ntaamo itobela atala, uuli musimbi woona, walo wakali sikuta nyanyaala, a kuunka buyo a kuya ku mbungano, a kusangana mbungano a mulombwana mubotu loko. Mpawo weelede kujana Mbungano, yakumuuya,

Kukwempwa, Nabwiinga, ngooyo uliimvwi. Abo bantu botatwe, to konzyi . . . taba nyongene, nokuceya. Boonse taba kozyenye. Kutali Bamboni ba Jehova baamba kuti, “kuli bali zyuulu zili mwaanda amakumi one abone bali ngu Nabwiinga”; oko takuluzi. Abo mba Juda, mwabona. Ngooyo Nabwiinga, ba Juda, a musimbi wona. Elyo wa babweza boonse, a kuti, “Ee, boonse botatwe bali mu masena aindene.” Boonse bali, misela yotatwe ya bantu baidene. Masimpe, taba konzyi.

⁵⁴⁵ Mpawo cindi Jesu akubweeda ku nyika . . . Iba Juda, ino mbaani? I bazibe ba tempele. Elyo cindi Jesu akubweeda, Uyo boola a Nabwiinga. Jesu ulaboola mu ziindi zyoatwe: Wa kaboola ciindi citaanzi kuzo *nununa* Mbungano Yakwe, Uyo boola ciindi cabili kuzo *tambula* Mbungano Yakwe, Uyo boola ciindi catatu antomwe a Mbungano Yakwe. Mwabona? Mbombubo. Aboobo konse nkuboola komwe kupati kulondokede, ngu Leza onse omwe mupati uulondokede; ngu Kristo omwe onse mupati uulondokede; Mbungano yomwe mpati ilondokede, lununuko lomwe lupati lulondokede, . . . zintuzyonse; ciboola ku triniti, pele conse cili muli Comwe. Mwabona? Tabali bantu botatwe, kutali *ezi* zyoatwe; walo Muntu omwe buyo, Mbungano yomwe, Mubili omwe, Kristo omwe, Mwami omwe “muli konse, alimwi kwinda muli konse,” azimwi mbuli ezyo. Zyonse ziomwe!

⁵⁴⁶ I Mwami amu longezya. Nda mujata kwa ciindi cilamfu loko.

⁵⁴⁷ I Mwami mukuyanda, lino, ikuti na Nda jana kusika alubo ku mazuba aamasiku masyoonto, na masiku Munsondo na cintucimwi mbuli ceeco, ikuti na mweembeli tano jisi cintucimwi ku moyo wakwe, Njo sola kwiingula eyi awa. Oh, kuli imwi mibotu kapati awa. Mbangaye bayanda kwiimvwa? Oh, Nda bayanda ncobeni. Andi langelange alubo, cakufwambaana ncobeni, katutana kupa kuswaangana ku mweembeli.

⁵⁴⁸ Amuswiilile buyo kuli eyi. [Mukwesu Branham waingula mibuzyo itobela ili lusele mu Cibeela III, kutalikila paragilafu 668, mbuli myeelwe ya 67 kwinda mu 74—Mul.]

Mpaali mabwe mpa- . . . ? Ino mabwe ayo aiminina nzi mu Ciyubunuzyo, 21? Oyo nguumwi mubotu.

Pandulula banyama bone ba Ciyubunuzyo 5. Ngooyo umbi mubotu.

Mbaani baalu bali makumi obilo abane? Ngooyo umbi mubotu, mwabona.

Ino katambo kasalalapyu ikamu Matalikilo 38 kakali kwaamba nzi? Mula yeeya, wa kaunka a kutola muka mwanaakwe akupona anguwe mbuli muvuule; akubamba muulo akuyutuka; elyo mpawo cindi mwana naka zyalwa, ba kaanga katambo kasalalapyu ku janza lyakwe (wa katonta elyo mpawo wa kajokela mukati), i—i umwi utobela uboola

kumbele lyakwe. Oh, oyo nguumwi mubotu; masimpe uli obo.

Niinzi zipengo zyelede kutumwa kulanganya lufu lwa bakamboni, mu Ciyubunuzyo 11? Nce cindi Musa a Eliya niba bweeda ku lubukulusyo kuli abo bali zyuulu zili mwaanda amakumi one abone. **Niinzi zipego?** Amulangilile kuti niinzi, oyo mubotu kapatii.

Baya kuba kuli basalali kwaakumana myaka ili cuulu... (ngooyo umwi mubotu, mulombe. Sa...)**...lela? Ino musyobo nzi wa mubili ngo baya kuba awo?**

Mbobuti mbo tuya kubeteka baangelo?

Nkaambonzi masusu ajatikizya baangelo mu Bakorinto Bataanzi? Mu Bbuku lya Bakorinto Bataanzi. Imwi mibotu, mibotu loko.

⁵⁴⁹ I Mwami amu longeze. Nda syoma Mwami watu zumizya kuba antoomwe a kubandika zintu ezi, konse nkwa bulemu Bwakwe. Inga twa impana aa mizeezo yayo; pele Njo wamba cintu comwe, ikuti na yoonse mwaba alutangalo maningi lwa kwiimvwa mbuli mbo Ndi kanana makani ayo, tuli mukuba a ciindi cibotu loko. Ameni. Ameni.

⁵⁵⁰ Yaa, Mwami amugwasye ncobeni lino. Muta lubi kuswaangana. Kapepele ka Mukwesu Neville, lino mpa WLRP, Mujibelo kuseeni aa naini okuloko; kkoteti yaba Neville, alimwi Ndili masimpe bayo mugwasya, Mukayasye aku baswiilila. Elyo ikuti na Nda konzya, ikuti na Nka joke mu ciindi, na kubona kuti Njo jokela, Njo tumina mukaintu. ikuti na Mwami wandi zumizya kubona Mukwesu Bosworth uyandwa mudaala. Ndi... Nywebo nyoonse... alimwi Ndiyo joka masiku Munsondo.

⁵⁵¹ I Mwami amu gwasye lino. Alimwi mukwesu, mweembeli, boola okuno aniini buyo; aku mulekela kubweza kuswaangana. Elyo:

Muta lubi mipailo ya mikwasyi,
Jesu uyanda ku muswaana okuya;
Uyo mubambila ziyandika zyanu zyoonse,
Oh, muta lubi mipailo ya mikwasyi.

⁵⁵² Mula iyanda eyo? Mbangaye bapaila mu maanda enu? Atu bone, boonse i...boonse...Kuli kabotu oko, kamukkala mumsi kuli Leza. Kamuloma, nobana baniini, Leza uyo mulongezya.

Yaa, Mukwesu Neville.



MIBUZYO A BWIINGUZI BWA BAHEBRAYO CIBEELA II TNG57-1002
(Questions and Answers on Hebrews Part II)

MATOBELANWA AA KULILEMEKA, MALAILILE A NJIISYO ZYA MBUNGANO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwatatu mangolezya, Kavumbikanini 2, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org